



罽司
罽
罽
罽

罽
罽
罽
罽
罽
罽
罽
罽



春融堂集卷七

賦

青浦 王 昶



蒲褐山房集

己卯 辛巳

庚辰

元夕

昇平樂事萬方覃
回憶前游意最耽
月映香車聞擲果
花移繡帕見傳柑
歌樓玉笛珠為鈿
蘭若明燈錦作龕
遙望綠楊城郭裏
銷魂今夜是江南

題項舍人芸堂

淳

畫

蒼山杳然深楓杉
翳寒綠石林罕人
蹤磴道自盤曲得非白
嶽間層雲滿崖谷
芸堂列仙儒夙尚寓
樵牧經年夢家山
裊裊寫幽躅曷不補
茅齋虛窗蔭叢竹
添我抱琴來支筇聽飛
瀑

為陳侍讀寶所鴻寶題華秋岳嵩山水小幀

午寂罷彈碁見此明窗畫珍木兩三叢蕭森得清槩倚逕絕
茅茨臨溪罕雲確依稀畧約間細雨鳴秋瀨我欲權扁舟凌
風入煙靄

程編修午橋夢星南齋種花圖

藥圃梅坪地數弓細桃開遍亞枝紅春畦雨過芹泥潤檢點
鷓鴣課僉童

養花時節澆花居小綠長紅繞碧渠鞠譜蔬經都檢遍不妨

重訂種花書

金壽陳竹王受沈學江湖客嘯竹吟梅寄興殊知有詞人為

地主款門來往數花鬚

浪迹蕪城近五年篠園竹木已寒煙誰人更作栽花計還看

濃香滿綠田

姜秀才光宇晟屬題其高祖學在先生塚所畫山水

小幀

碧血紅蕪滿故關之累何路訪孱顏隴糜染得生平淚別寫

秋江一片山

煙外秋崖數點青有人枯坐望層真分明不是吳申路水石

蒼寒憶敬亭

碧澗觀潮圖為齊侍郎次風題

洪颺鼓全輪真宰結區宙神州絡其中裨瀛互奔湊盈虛限

望弦來往割宵晝初生激迴瀾漸長濺飛溜蒼茫銀山移倏

忽雪嶺走如雷遞闐碎若車競輻輳垂虹媿躩踞快馬狀馳

驟渦生蛟鰐蟠浪擁鼉鼉鬪振翼駭脩脯張帆識乘鱉珠宮

龍伯都貝闕鮫人守石華散葳蕤海月錯文繡偉哉百谷王
具此萬物宥我聞樽桑東金銀燦層構煙嵐蔽樓臺花鳥麗
園囿時有羣真來鸞鶴滿巖岫金城隸木公玉節降川后誰
乘靈槎游親覩神居富先生蘊奇懷清恩擅刻鏤波瀾湧文
詞沙石悟篆籀小築愛滄洲碧流俱枕漱爲展雲夢曾望洋
快延袤吳緡寫遠勢抉皆豁蒙督繚繞卷雲霞橫斜挂星宿
嗤彼井底蛙蠡測最舛陋我無元虛才作賦等金奏頗知華
巖藏法性絕塵垢淨覺本無心去來寧有漏企彼波斯王照
影驚面皺詎誇廣陵奇豈羨海心舊行將事月光水觀起研
究

贈周孝廉元木

行卷聲名久僑居歲月遷蒼苔沿井厚綠樹映門圓耆宿鄉

人重經疑弟子傳鑑湖山色好何日榜歸船

卽事

空齋梅雨靜炎蒸散直歸來意不勝小榻臥看苔壁畫名香
晚炷竹龕燈心情寥落殘宵夢身事淒涼退院僧忽憶西湖
千頃碧幾時漁步結行旛

海淀道中

短幘迎風拂面涼班輪宛轉度魚梁菰蒲忽送蕭蕭響荷芰
猶聞冉冉香雲際樓臺青瑣近林中煙靄翠微長祈年應有
甘霖降已見濃陰覆苑牆

喜雨用蘇文忠和張昌言韻

日日晴暉映紫雲忽看疎雨下層雲虛堂微潤生琴薦短榻
初涼入簟紋告祭久聞虔北時豐年應已協南薰牕前只少

千竿竹獨聽簷聲憶此君

蒲褐山房

賃得城南屋數椽冰牀雪被舊因緣敢云精舍同高座畧稱
閒齋似小眠葦箔風寒添篆炷苔階雨過潤茶煙淨名說法
休嫌窄十笏能容善現天

題張孝廉商言

閻浮提界本夢境夢中作夢紛誼闖乘車入穴盡流注恍忽
異境窮人天前塵宿命亦涌現漏業往往隨三緣蒲池寺中
雨浙瀝邨亭湖畔波淪漣兩翁清夢世所羨豈知坐滅同雲
煙張郎仙才具仙骨病來化作飛仙蒙葺窟莽入古徑
潺急溜聞鳴泉層崖絕厂嵐翠溼馭風竟度昆侖巔
轉草似帶石梁屈曲花如蓮聳身忽覺近霄漢舉手直可

星躔童初易遷迭隱現中有姝女姿便娟綠綃衣輕畫金鳳

紅膏鬢薄低秋蟬昭靈雖聞降許遜萼綠何意親羊權海山

舊院幸無恙歸時篁篠餘清妍玉童依然進瓜果藥鼎誰更

燒丹鉛真靈洞府游未足醒來宿火仍孤眠翠禽嘯樹殘漏

盡曉雪委砌寒冰懸蓬山一隔空想像擁衾倚枕心悁悁淋

漓落墨記紈素欲使異事人爭傳空華幻色竟無住何乃刻

畫煩華篇雲臺飛昇尚難就寧有詩酒供畱連趙舍人雲松

煎吾亦當時慕颺舉思駕元鶴資騰騫琴心三疊非了義竟

向六度希真詮蝗螟嘉穀古有戒勸君慎勿相縈纏清詞自

成新宮句妙諦還證雲居禪意根不轉心識斷世間睡覺皆

安便庭前翠竹儻有悟一任阿閼從空旋

文野以懷淨慈大恒上人

斷雲殘照暮晴餘
迢遞湖山憶淨居
一榻清陰蘭蕙靜
半牕涼雨芰荷疎
法融已辨觀心義
孝穆猶稽誓願書
輸與東林蓮社侶
長攜瓶盃聽鐘魚

入闈即事

首擢頻叨愧不材
前年召試今春試差皆蒙恩一等第一
雲階月地又追陪

鮫珠海客期連撥
鴛錦天孫喜共裁
正對蟾光明玉鏡
況逢驥足聚金臺
紫薇影近覓裳舞
定見人文麗斗魁

適庭既別復以詩見示次韻

襍被蕭然逐斷鴻
單車相送潞河東
有情世界難為別
無意詩章更自工
燕樹千重懸北路
吳帆五兩趁西風
歸時亟與諸郎道
辛苦燈牕莫恨窮

大閱恭紀

文德通三極
軍威振八方形
雲扶鳳輦曉日整
龍驤芳甸

移旌仗和門
肅斧浙太平
周典在羽獵
陋長楊

校尉三河將
良家六郡兵
鉤陳森御宿
天駟走星精
虎豹

韜鈴祕龍蛇
陣勢橫欲呈
後臂技鳴鏑
各分棚

表貉遵周禮
驅熊邁漢年
公矛千隊集
檜盾六營先
十鼓周

宣字雙龍夏
后篇風雷軍
令肅隱隱出
中權

山海黃圖闢
星辰紫極雄
高臺連渤碣
別苑接崆峒
日動旌

旂影秋高鼓
角風三驅仍
習禮

宵旰厓深宮
文武宏猷壯
尊親郵治覃
車書通勃律
玉帛走黎僮
絕域風

霆震遐方雨
露涵近聞班
定遠捲甲更
西戡

威斗璇璣北
長城渤海西
羽林同味首
屬國盡雕題
向晚雲

霞麗回軍壁壘齊共調朱鷺曲歡喜動羣黎
 回部平定恭紀一百韻
 臣聞壽邱御世築壇陳五意之符若水膺期司地定
 九黎之罰舞兩階之干羽尙記徂征集萬國之共球
 猶傳撻伐葢宅中圖大必期怙冒于靡涯而奮武揆
 文要在撫綏于莫外欽惟我
 皇上明同離照
 德叶乾剛列九州疆索之中羣靈愷澤處兩戒河
 山之外共沐熙和迺者厄魯殄平伊犁底定天山迨
 遞遙傳頡利之俘蔥嶺崎嶇已勒祁連之碣占星昧
 谷驗昏旦于羲和拓地渠搜步東西于章亥和闐震
 懼或泥首以歸誠烏什歡欣悉傾心而向治大宛列
 部箭雲來天馬之奇布露諸蕃重譯進文犀之寶蠶

茲霍集占兄弟本屬么麼向屬準噶爾拘留長嬰縲
 絏賴 聖世懋安邊之畧得免俘囚荷 天朝
 宏繼絕之仁仍居荒服固宜佩深恩于 高厚用
 以効微悃於 尊親何乃恃厥要荒遂成豕突率
 其種類漫肆鴟張爰運 神機重行 天討干
 軍雷動舉烽則賊壘俱穿萬騎颺馳傳檄而名城悉
 下凶渠跋扈已無免死之方小醜潛逃詎有游魂之
 地剝蚩尤於大野授首轅門誅竅窳於窮荒陳尸幕
 府回人喪膽盡俘奸黨以迎降酋長驚心並遣賢王
 而奉款戢干戈於萬里永垂耆定之休通耕鑿於三
 邊用兆阜成之慶纂 列聖未成之緒豈誇地
 盡西陲建前王罕覲之功共使星瞻北極樹千秋之

駿烈奇勳默佑於天心規萬禎之鴻圖大業仰成於
廟畧玉瑄屆三陽之始愈增長嘉祥璇闈
迎壽萬壽之期益助慈寧燕喜展
橋山之弓劍用告成功陳寢廟之圭璋不
承先烈宏敷惠澤馨香遐格於神人疊
布恩綸雨露普霑於中外樹豐碑於泮壁遂邁
周王石鼓之詩抒偉論於藝林儼同軒后金人
之錄虎牙晉秩馳驅盡伏夫天威龍額封侯綏
定原歸於睿算車書並範萬年垂清晏之休玉
帛來同六宇切生成之戴臣濫叨薇省近侍楓宸
幸際昌期亭障遙通於絕域欣逢景運幅員直達於
窮陬敬志五言恭成百韻鋪張盛軌鴻模遠紹於義

軒揚厲宏規麗藻竊慚於崔蔡

聖德輝三極皇威震八方布和文教洽靖遠武功彰當
宁符軒錄開階契燧皇昭華光爛漫延喜玉琳琅膏雨三時
潤威靈萬國匡幽都胥北燭丹徼並南煬奉義陪冠帶懷仁
進篚筐傾心歸版籍稽首隸封疆貫耳陳琛切雕題納賚忙
碧基王會盛赤縣帝圖昌往者餘么麼居然擅陸梁

累朝煩斧鉞數道整銖斨已致鴟音革俄傳螳臂攘控
弦誇獨勇鳴鏑恣相戕襁負歸函夏提攜挈媿羌取殘經訓
舊龕暴聖謨臧乞命哀窮鳥投誠念沸蟾五營馳豹旅
兩路遣龍驤張幕吹笳競陳師擊鼓鏜遂看封豕縛旋見怒
蛙狂絕漠還重掃犁庭待大創殘骸陳窳窳妖彗掃櫬槍異
域通離昧方輿接混茫土圭占象緯銅臬驗穹蒼尚有熊羆

守何期梟獍翔解懸忘艱危負德肆披猖更遣乘槎使仍階
執戟郎奉詞旗正正討逆氣趨趨寶轡裝玫瑰去聲鉤膺飾鏤
錫雕弓開勁箠畫戟淬神鋒鴈翼分還合魚麗頤更頤韜鈐
紛迭變茶火鬱相望敵氣爭騰踔同仇矢激昂連營排柅楯
列帳逼陴隍牙拍齊懸布雲梯悉繫枕前茅疎斥堠閒道失
隄防一鼓名城下三驅逋寇亡窮追過媯水乘勝下河湟布
魯東西部宛城左右王種猶沿鐵勒地最近烏菴並獻蒲萄
酒均攜瑪瑙漿占風深讐懼向日競恟惶羆虎軍雖振驂騮
力已庭鑿門猶搏戰守堡倍騰衰挾纈羣情協投醪士氣揚
神泉流沆瀣石廩出稷梁刁斗誰能犯蚤弧詎致傷兩軍仍
繼進四面合顏行羣醜宵偕潰凶渠走且僵銜枚探虎口控
甲剖墓腸巨刃摩天倚虞羅匝地張窮邊收滴博絕徼下狼

荒免死終無地游魂自召殃潛蹤情慄慄息喙意動勸三窟
知難據諸蕃孰敢藏飛書陳國典壓境示天常首惡誅毋寡
羣凶獻鬼章風聲昭細柳露布上長楊絕塞傳三捷嘉辰值
一陽 圓丘供繭栗配位報羶薌星日增糺縵雲霞助
煒煌神功超子姒上德媼炎黃寰宇歡呼誦羣工拜手颺
宸襟彌劫岌 睿慮更周詳永荷 圓穹佑咸因

世德長

慈闈親送喜

太室肅升香弓劍

橋山重松楸祕殿涼告成昭繼序奏績表鴻慶晉秩兜
鑿並酬庸圭瓚將勞師臨武帳執馘上 明堂瑞氣盈長樂

恩綸出未央

聲靈昭赫赫

茂澤益瀼瀼

奎藻頒中

禁豐碑勒上庠蟠螭森氣象彩鳳煥光芒用作千秋鏡宜陳
萬壽觴經營懷始事擘畫孰同襄不惜維州棄惟驚頤

利強運籌頻瑟縮決策每周憶遠畧疑難就奇勛豈易償
 九重親震動萬里運乾剛指顧平烏濟從容定白羊收功如
 破竹勝算在因糧拓土增千驛論時閱五霜自能綏徭疆終
 見靖撞塘列戍開屯政分區置權場黃雲秋覆瓏碧黍早盈
 箱路鑿條條陌渠通曲曲塘連村收玉粒列部喜金穰官吏
 勤咨度軍民懋俊良蠲除周陝洛賑貸遍伊涼世共登仁壽
 人咸賴迪康宏模徵顯顯令德頌光光樂和神農瑟衣垂帝
 舜裳化孚漸碧海兵盡洗銀潢脫劍歸熙皞橐弓肇吉祥竹
 宮生蕙莆璇室產芝房結屋雲重麗成珠露浥芳珍輸三足
 鳥貢晉九苞鳳鏡吹傳朱鷺聲詩譜白狼惟應千萬禩長此
 運璇綱

和來殷除夕悼亡作

春信初迴歲又終知君歎逝恨無窮空留臘酒凝重碧誰摘
 唐花插小紅翠袖依稀魂夢裏青衫蕉萃淚痕中遶欄詠絮
 人何在忍見飛霏上畫櫳

油燈無焰漏籤遲長簾空牀晚更悲死別恰當生別後來殷時隨

往木單棲忍憶並棲時熏爐寶麝沈簫局蓋篋殘螺漬研池

回憶擘箋吟賞處幾番清淚落連絲

萬戶桃符動早春海山難覓謝庭人敬君畫在空留影荀令
 香消倍愴神一夜聽風兼聽雨三生如夢更如塵雲藍小字
 休傳寫贏得銜愁淚滿巾

為周農部讓谷天度題春渚垂綸圖

風定春江水似羅櫺頭小艇傍煙莎筆牀茶竈兼書卷比似
 松陵家具多

蘆葉青青覆釣船柳陰春暝薄寒天
棟花風起江潮上自釣
槎頭縮項鱸

小築香茅薛澱東西冷相去一帆風
憑君著我松船裏共數
青螺暮靄中

題陳楞山墨梅

處士偏工覓句畸人最愛逃禪好
取藥鑪經卷竹牕相伴高
眠

月下是影非影風前有香無香妙諦
誰能拈出憑君問取花
光

項孝子詩

吾昔作詩紀瘦沈崑山沈孝子歸愚先生
感激至行凌穹昊
今來復覩孝子傳異事卓絕超前聞
松明天都鬱靈氣播為

懿德清而醇窮崖幽仄爭嶙峋中有
馬鬣封高墳苦茨數椽
絕人迹澗泉嗚咽交荒榛松櫨翳雪
白日暗嶺鳥嘯雨層雲
屯陰房鬼火晚蕭瑟淚灑草樹難生
春安豐孝門已罕覲矧
乃童卯敦彝倫嗚呼廬墓古無禮陋
儒議論徒紛紜過及智
就賢所贊奚用墨守推遺文相州參
軍素芝見衡陽博士靈
烏馴乾精坤貺亦昭應寧不嗟歎興
齊民愧我詞章遜遐叔
莫與二孝揚清芬承思景先世不乏
庶見令迹鑱青珉

吳企晉陸健男

錫熊

同至京師招鳳嘴荀叔鐘越來

殷諸君小集

三載相思一旦伸門前已報駐雕輪
擬將燕市同吳市況有
詩人並酒人路近香林宜卜夜時企晉寓法源寺
風暄杏苑好尋春
不須更說登瀛喜且合名流作勝因

故園

芳訊頻憂驛使遲故園迢遞入離思
芹香江燕銜泥候花落吳蠶上箔時
薄病不禁連夜雨清愁閑寄餞春詩
殘宵鄉夢經行處柳外茅堂竹外籬

送嚴東有還揚州

相見東華第幾朝急裝重見上征輶
春陰正喜逢花市客路何堪折柳條
燈影秋波邀笛步簫聲涼月擣衣橋
舊游兩地真如夢并與離魂一夜消

病中有懷沈學子用蘇文忠寒食同游西湖韻

寒食紅橋又二年柔波憶共木蘭船
檀槽急響風燈下藍尾深杯水閣前
春貢煙蕪空想像豐臺紅藥漸芳妍
病懷畧似東陽沈獨對屏山枕手眠

雨後由西直門赴直隸作

聽盡三更雨平添一尺泥正西坊下水已涇
玉驄蹄荷蓋差差綠秧針剡剡青村歌何處起
縹緲出煙汀白鷺飛還下青蟬斷復吟
濃陰纔幾日忽見綠蕪深稍露牆腰日猶生
樹杪雲中峯深幾疊嵐翠杳難分淺碧西湖水
柔藍北澗波樊川池館好分得潤煙蘿

謂介少宗伯別墅

竹樹層垣迥菰蔣短笱斜酒旗風不定一路落槐花
接畛家家水橫林處處煙不知醉竹後翻作熟梅天
煙暝千條柳風開十字蘋芳堤平似掌不起麴絲塵
竹町傳芸鼓香林颺梵鐘雲帆江漲路回首憶吳淞
苦瓠緣階上戎葵向檻黏今宵官燭底清溜聽排簷

題沈石田夏日山水長卷

荆關董巨誰能師叔明子久乃繼之中間衰謝二百載相城
筆力能驅馳崇山巨壑互稠疊朝嵐暮靄紫屣屨解索攀斧
皴法具宜與造化參深微今觀此圖長二丈卷舒一氣無端
倪巉巖拔地亘百折清樾蔽日紛千圍螺旋蟻徑窈而曲約
畧村店開茅茨松檜盤拏戴霜雪篔簹蕭颯翻風漪最後草
堂對遠浦藥欄花當環疎籬溪濱畸客若過訪亦有童子相
追隨筠牀蕙帳淨如拭宛然尊宿窮黃義圖中景物最開豁
支圃鄧尉非其宜同時翰墨多小品唐寅文壁終難幾自惟
獨擅千古勝染濡大筆恣淋漓先生況生郅盛日湖山田宅
供嬉怡良辰方值夏五後綠陰芳草盈階墀蕭閒自在命柔
翰至今開卷生涼颺直廬視草正清暇素衣幸免風塵緇山

林忽動麋鹿性妙墨應共良朋知朝衫在笥正可典急沽佳
釀澆深卮晚來更值小三昧可與韋慎占左褚同嗟咨時兩君
至接直將

蘆洲倚棹圖為鄭編修炳也 虎文題

吾家茅屋吳淞上翠澈澄潭遠相向湘簟流平暮靄勻韡紋
色淨柔波漲每看連鴈下晴空時有飛鳧來蕩漾霜落蒹葭
映遠汀秋寒筠篠疎層嶂未能家具備三舟聊付閒情消五
眠近乘薄笨入春明日日瑤階侍仙仗望中煙雨憶漁竿夢
裏溪山懷鶴舫開圖滿眼足菰蒲樂瀨欹湖連竹澆一路蘋
花映玉沙半江楓葉明銀浪燕尾波深桂櫂浮鯉魚風起蒲
帆颺會稽夏統共吟謠上澗楊舄伴疎放生綃隱約寫東湖
疎柳枯荷足遙望羨君高隱計先成顧我歸耕心不忘他時

乘興過南田扣舷好作山陰訪
內閣槐樹

斷雨殘虹薄霽天扶疎嘉樹畫堂前
花濃粉壁樓湘燕葉覆
紅牆蔭露蟬瓊珮趨朝清影重瑣窗封事綠陰圓承華愧
乏連枝頌八尺風漪藉晚眠

憶朱子存

可歎追歡地江山付別愁石壇松影寺煙舫葦花洲水鳥窺
碁局明燈照酒籌桃椎應見憶扶杖數前游

和申府丞笏山甫郊居四首

檉柳陰陰繞逕遮別開小築薜垣斜
朝川亭榭疑仙宅韋曲
煙波近帝家雲起西山紫晚樹泉分北淀潤名花安陽顰
叟時來往搦畫行碁一笑譁

荆扉仍著薜蘿遮藥瀨欹湖磴道斜
鐘颺秋聲來遠寺竹分
清影過鄰家許詩快瀉長瓶酒校字閒挑短檠花信是軟紅
飛不到晚煙涼露靜無譁

小閣疎簾窄地遮瓜苗藤蔓上階斜
香廚已擬淹中宅蘭畹
仍同谷口家遶徑碧煙新焙茗拂檐紅雨亞枝花清吟蹋壁
蕭齋靜坐聽疎林翠羽譁

清景依然似玉遮茅茨不剪槿籬斜
閒招賸客修琴譜晚共
畸人論畫家竹屋風疎聞墜果藥欄雨霽數開花謝公自有
邱樊志肯羨紅幺十部譁

吳凌雲先生士功惠鄭宅茶

鄭宅滋春茗芳名重建茶焙來風味雋
包致道途賒退食開
松竈呼僮汲井華相如忝著作消渴藉雲芽

題顧舍人北墅

雲

秋夜讀書圖

雉皋我昔逢姜君

余曾為姜靜宰題秋夜讀書圖

曾見吳綃寫良夜脩脩叢

篠簷巖扉漠漠寒蕪滿庭榭眼明擬覓畫中山竹几松龕伴

閒暇今觀此冊更清深短柵虛櫺互相亞小築纔規地數弓

幽居恰剪茅三架桐華鬢歷胃簷牙蕉葉疎森低石罅蕭齋

隱約啟牙籤漏永燈寒不能罷中經新簿恣摺摺別錄羣經

供膾炙覃精不惜屢編蒲得味懸知同噉蔗自嗟俗學昧真

詮誰復澄心觀道化季緒論文尙訾警子雍說禮爭彈射竟

令正學絕師承但與前賢鬪雄跨喜君磊砢出風塵標格嶙

峒比泰華邇來給札草詞頭嘗侍鈎陳參

法駕華林誥勅

正紛綸故里邱樊虛枕藉幸看北淀足蒲荷復有西山饒麋

柘雨霽中峯煙靄濃冰消裂帛湖流瀉故應載酒愜清游何

事臨風思舊舍幽襟無那慕王裴素尙依然侔沈謝南陌扶

筇愛討春北窻鬪茗客消夏況值初涼入研屏開函恰對清

秋乍月冷緜囊剔蠹蟬露凝湘管磨松麝雅才自喜近皇墳

老圃何妨親草稼牆東老屋翳蓬蒿水北長塍翻穉稻他時

遙憶校書人吟聲應繞楓林下

送吳企晉南歸

上第仍如下第時南歸況味我深知莫言風雨還睽隔且與

雲山慰別離解褐已通金榜籍拂衣更富錦囊詩吳中故舊

如相問爲報東方向苦飢

西華門外寓舍夜作

清簟疎簾事事幽蕭齋十笏足淹留未央宮近聞虬箭太液

波長繞鳳樓珠綴芳蘭金掌露香涵仙桂玉輪秋紅牆碧漢

天然景約與年年此際游

再入秋闈

校士經闈乍隔秋又看

恩旨出龍樓聲名屢映魁三象

拔擢還居第一籌去年考差第一今年第三海底珊瑚寧盡

獲山中杞梓冀同收少時勒白曾遭斥頻向長檠拭短眸

悼鄒孺人十六首

秋色淒清白露天雲車恰趁月初弦也知破鏡終難合不待

冰輪作意圓孺人以七月初八日謝世

繚繞迴廊散步遲重門鼓角振秋颺不堪試院煎茶日正是

紅蘭委露時

謝公嬌女最鍾憐選婿頻煩著膝前回憶金堂留宴處桂花

秋老遍苔錢外舅吟嘯堂前古桂兩株輪囷蕃茂蓋二百年物也自外舅下世桂亦摧為蕪矣

小蒸村北管公樓松雪名書重玉鉤檢起碎金初拓本墨華

零落掩羅幃予外家在章練塘與小蒸接壤為管仲姬所生之地趙承旨往來於此遺墨最多外舅之祖彥

林先生嘗哀為碎金帖董思白陳仲醇俱有跋語昔年

舅氏曾以繕本見贈今奩具中惟此帖尚為舊物也

集蓼何時襟抱開今朝仍送紙錢財生涯約畧如元相貧賤

夫妻百事哀

補綴褰衫黯澹妝凌晨揀釜跼嚴霜斲冰還撥深爐火手瀟

清泉供北堂

噉粥分糞近十年黔婁生計總蕭然朝朝自掃風廊葉却與

山廚作竈煙

曾隨計吏放征颿苦語分明石闕銜最憶春燈留別夜連絲

和淚灑征衫太古燕齊來往等飛蓬誰華秋色蘆溝月多在

深閨望眼中

采綠歸期久未占慈幃衰病入秋淹禦冬計與終天恨縞袂

通宵血淚沾甲戌冬先妣陸安人見背

仙果生遲未有因篝燈相對話酸辛如君更比韋叢苦病裏

扶牀少降真十年鍊真主情願難消此病何由藥

貧無葠朮供醫藥病乏巫妪作解禳今日歸魂知有地應隨

湛母謁明王謝安人見背

羈宦何堪復悼亡多情薄命易迴腸秋陰庭院靈牀畔一盞

寒燈半炷香

二毛久已歎侵尋又值哀弦感寸心拚个霜華齊上鬢更無

人詠白頭吟

重陽纔過峭寒生風雨宵來尙滿城已是鰥魚眠未穩不堪

榆柳送秋聲

粉墨虛傳病日容遂將遺恨寫眉峯不須更畫張溫妹作傳

他年待蔚宗時寫遺挂殊不似故云

九月杪移居教子衙衙

賃廡煩年類轉蓬卜居新喜得牆東梢簷樹色濃于畫合作

先生一政官

多病經時廢簡編敢將風雅替前賢南陽弟子西都客載酒

依稀似昔年是宅舊為趙天羽給諫寄園故址嗣李王舟沈椒園及邵叔山諸公先後寓此後歸愚宗伯亦

居焉迄今幾二十年余復以門生繼其迹雖名位相懸而賓從之盛始不減曩昔云

也結絲絢侍禁庭趨班歸後戶常扃閒來早與山僮約添

種蒼筤一桁青時余為史館纂修書生結習正紛紜求碑又報南

華使雙屐閒階破蘇紋

南華資長老寓書求圓通庵碑記

打頭矮屋似吳艘半炷香篝半掩窗夢醒不知殘葉下誤聽

疎雨滴秋江

掃地焚香度歲華圍壇結界是生涯旁人休擬華陰市已似

淞南野客家

玉局香山是本師蕭閒心迹故人知道緣漸勝塵緣減并少

移牀避客時

生平彌勒慣同龕況有精廬近路南從此澆書行藥罷粥魚

茶板趁時參

題汪博士韡懷後譚藝圖二十二韻

一寮晴日朝融融暄景畧與江南同銅蠡煙深石研潤獨吟
負手巡簾櫳平頭示我三二尺畫畫間樹石森籠從辛夷齊開

泫新雨石蘭暗拆搖香風幽人單衣撫膝坐游目遠送南歸

鴻座旁佚老不可辨把卷似契無言中得非王裴共情話或

是嵇阮相過從君言瓣香在昌穀標舉譚藝為詞宗吁嗟詩

旨尚明悟華嚴樓閣森千重散花未許染結習指月並在參

虛空性情才學互涌現誰能刻楮摹遺蹤迪功當年本精詣

鳳毛麀角超凡庸近參三俊固妍雅遠躋四傑殊豪雄殘雪

在地映新月世人評泊難為工胡為軫材但墨守文章江左

資排攻嗟我失學愧踏駁藉君妙論開愚蒙瘦羊博士况閒

冷坐嘯差足娛殘冬耽思貴遡作者意命侶未厭詩人窮稍

待朔雪翻層穹相期酌取春醪濃扣門剝啄繫瘦馬清譚並

對紅爐紅

雪夜感悼

漠漠三秋隔恩恩百日臨辛勤懷舉日慘澹憶彈琴

雜寶藏經云優

施羨王夫人名曰有相遣王彈琴王鏡掩塵長漬燈殘雪漸
深斷行何處鴈淒切度寒林

駕幸五臺祝釐恭賦

有序

蓋聞空桐西屆風傳四埵名山恒岳南來羣仰五臺
勝地峇堯寶刹曼殊演化之區肅穆金繩妙德闡宗
之域標嘉名於法藏柰苑宏開傳靈迹於華嚴竹林
斯啟緬竺法蘭之建宇恍親印土煙霞暨波叱利之
樞碑益廣寶王樓閣峯圍雙樹龍蔥現聖臺邊塔聚
千花縹緲棲賢谷下考水晶之界每聞崇建於前朝
開金粟之園更沐檀施於
聖世鳳林春曉屢停
翠鳳之旂龍窟泉迴恒駐蒼龍之駕青髻現仙人五

百均覆慈雲玉毫遍沙界三千普霑化雨固已緬蓮
照野長敷稱意之華青豆開房永茂恒春之樹况迺
珠囊御宇遠闢黃圖玉燭調時重清紫塞息玉河之
烽燧遐陬並隸取章藝蔥嶺之桑麻絕域胥歸琛貝
重光協歲欣逢
萬壽之期大火司晨正屆三

春之節觀榮光於閭闔升恒呈合璧之符彰寶道於
璇璣宿繡繪編珠之景扇虞廷之瑞萐
聖孝彌
昭抽唐室之仙萸
慈暉倍永蘭階侍膳奏
三殿之簫笙
椒寢承顏集 六宮之環珮溥

再展祝釐之禮
慈暉於禹甸咸伸純嘏之誠揚慶典於堯天
詔來玉陛指三晉以鳴
鑾路出
銅池望五溪而啟
蹕仙仗開而韶華正麗蓋拂芝

田鉤陳肅而淑景尤澄塵清蕙阪仰 慈寧之

鹵簿煌煌紫闕文軸肅 長信之威儀燦燦金根翟

羽鳳凰琢勝色映禕衣玳瑁承簪光齊翠葆雲現慶

都之邑遠協 鴻徽風傳聖母之墟福徵靈佑

茶檣酒肆村村聞 直厚之謠土銓茅簷處處播

思齊之誦蜺旌絳繚早縈雪浪亭臺星罕飛

揚迴照玉花池沼聽干林之鐘梵樂奏迦陵俯萬壑

之松杉香生優鉢靈區志喜光湧銀橋淨域標奇燈

輝寶燄唯 王母無疆合德數過河沙在

聖人不匱承歡籌添海屋天人叶慶胥徵介祉便蕃

民物雍熙豫卜榮祺合集加以講武則舟師効技

皇威下震蛟龍敷文而筆陣騰輝 宸藻遙飛

麟鳳允矣 熙朝之懋典洵為 盛世之隆儀 臣叨

直 黃扉獲覩受釐之盛未隨 翠駕欣聞時邁之

隆瞻 大輅之遙臨祇增鼇忭仰 安輿之至

止倍羨鳧趨頌京室之 徽音百福已同於洪

範溯瑤池之燕喜二多竊附於華封云爾

萬壽膺期駕上閑祝釐 親為禮名山地標紫府煙霞迴

路入青峯日月閒鐘梵曉鳴金閣嶺松篁晴護石門關介祉

喜動人天界縹緲祥光碧落間

絳杓南指入韶春王會圖成絕徼親西域蕃王輸鸞鷲東都

名將畫麒麟金壺獻瑞來諸部玉管吹風動遠人正值

璇闈稱慶日 皇朝仁壽被無垠

天家孝治邁皇初 萬乘巡方侍金輿 起居菊部鳴葭移

玉饌

椒宮結珮奉

金輿花迎

輦道條風暢

雨霽經塗化日舒最喜頻年逢

聖壽

九重春色動林

間

彤宮春暖協昌符日御靈臺告瑞圖二曜榮光連玉葉五星
煥采麗金樞直看太史河如鏡不數文昌氣似珠佛佑應同
天貺合青蓮花湧照雲衢

花信風和淑景遲

省方怡值仲春時九達競炷迴波篆萬

井徐縈拂霓旗雪潤嘉甦青冪歷冰消新柳碧參差衢歌巷

舞

皇情豫到處誼傳

萬壽詞

虜陽峯嶺控三邊寶鐸雕甍自儼然瓔珞珠幢森妙諦琉璃
淨國啟初禪梵宮夙示華嚴界福地仍同化樂天

聖德

尊

親還法

祖鴻規重拂翠珉鐫

盛孝廉秦川

百二

自歷城至都過訪有懷桑農部巖

甫

調元

巖甫時為灤源書院院長用蘇文忠新渡寺

席上韻

東風吹仙桃花事逮春半閉閣養疎慵趨班愧廉悍偶然寫
新詩塗鴉等畫墁聞君濟南來驚起就賓館袖中一卷書談
經恣疑難中星步羲和相宅溯姬旦

秦川有尚書
釋天六卷

美玉久不

銜胡為老憂患頗與五岳翁清吟雜悲歎翁年亦衰遲插架

空三萬暮節侶樵漁狂游共童冠絲絢侍

禁庭昔夢已霄

漢所喜枕膝人微言悟一貫

秦川為巖甫高弟
時方應禮部試

我吟薦士詩

三復腸欲斷敢云神所勞深恐鬼將彈祗期倒玉壺及此春

冰泮蕭齋幸數過慰我衣帶緩

試院閣文用放翁韻示同事諸君

迢迢瓊漏夜將徂，尙想青袍立萬夫。朗鑑幸看君輩在，佳文得似古人無。珍材應植千秋樹，靈羽須求五色雛。倦眼摩挲官燭底，肯將茗飲問風爐。
時諸君皆和試院煎茶作故云

送金鐘越歸揚州

上計來燕市，依人下蜀岡。圖傳周小史，曲記杜秋娘。
鐘越有侍史定

郎小影又撰雙鬢畫壁傳奇甚工花絮三春晚，風塵兩鬢蒼。好偕東閣侶，樽

酒話清狂

海淀

玉漏將殘曙色澄，早看劍佩集疑丞。清塵初灑長堤雨，照夜猶懸夾道燈。北嶺煙嵐浮羽仗，東華雲樹隱觚稜。西風欲起林鴉散，一縷明霞海日升。

澄懷園卽事六首

水鏡當窗照花枝，入戶橫松深聞鶴語。萍破見魚行，背日青

落長臨風白苧輕。偶然嘉客至，倪太僕敬堂承寬謝編修崑城解帶罷逢迎。

路接昆明近山連，石景深菰蒲秋水漲。榆柳夕陽沈，野鶴依

簷聚風蟬墮地吟，東華塵十丈未許到清襟。

露檻全依石橫橋，半積莎池荒紅芰。少雨久白蘋，多曲徑朝

盤馬回溪晝浴鷺，依稀魚步上笭箬。漾層波

地是平津園，本錢塘相園疑輞水莊琴書娛寂寞。樹石寄蒼

涼飯屑青精細茶烹紫橘，香回颺聞壓遂縹緲。按霓裳

入直聽銅漏趨班近，玉除校文同景伯。給札愧相如，擬作

千秋鏡長繙七畧書，頻聞催進御點筆。愛幽居，時纂通鑑輯覽

近水秋先到，迎涼暑欲殘。夜燈筠簟冷，曉露葛衣寒。清夢懷

薇帳孤吟，傍藥欄漳濱多病客，歸思滿漁竿。

絕句

荷葉蕭疎點翠鈿，翻風多倚檝頭船。
凌波不見紅衣舞，辜負雙鴛對月眠。

一頃青萍掩綠紋，蕭蕭葑葉遠如雲。
只應喚作秋聲館，冷燭虛窗隔雨聞。

夢回薇帳夜堂幽，蓮漏丁丁送曉籌。
煙鶴一聲山月墮，松風荷露已如秋。

小院微陰長碧苔，玉簪澀雨未全開。
孤花剩有戎葵在，半伴幽人入戶來。

清蟬夜咽露華濃，絡緯蕭蕭響易窮。
莫怪韭花湘簟冷，吟秋先已報寒螿。

蒲褐山房雜詩八首

昨歲遷城南，所喜就蕭曠。古樹十餘株，盤枝互相向。
三月芽始抽，四月葉齊放。六月暑雨滋，清陰滿詩帳。
叢槐亦作花，散落青苔上。閒窻晚無人，爐煙自飄颺。
跛脚偶高眠，臥游入江嶂。

坐參蒲褐禪，起聽風甌語。坡詩如么絃，淒清愜微緒。
寫此署山房，差足棲禪侶。禪那亦多門，圖通二十五。
教體在聲聞，當機堪自主。我欲證人空，入流漸亡所幸。
有小齋幽塵囂，隔庭戶扁以聞思。修隱囊自容，與秋禽時啄。
木秋蛩或振羽，觀行妙圓明。諠寂兩無取。

山房後聞思精舍時亦新葺

數椽稍葺治，三徑仍疎蕪。春與猿奴約，亟理金鴉鋤。
層臺種芍藥，小盃分芙蓉。曉風玉簪發，晚露戎葵舒。
丁香與薔薇，先後開紅跗。葡萄未滿架，青乳如懸珠。
稍欣菊秧盛，坐致霜花

腹惜無五畝地趁雨栽嘉蔬

吳淞黃葉村籬落綠村步疎影夕陽中鄰翁共來去京華少

筠竿此景何由遇聊取葭葦編閉窗倩遮護蠻瓜忽冒蔓絲

一名蠻瓜緣上高樹

生

生平擅癖好修竹兼寒梅寒梅未易種修竹真當栽畦丁頗

健步遠刷淇園材蕭蕭數叢列簌簌清風回疎枝散蒼雪密

葉蔭青苔玉板不爭春迸出乘秋雷高者簷牙並低者籬根

排頭思殘臘尾盆益益梅花開歲寒得二友把瓊傾茅柴

當暑雨連綿入秋勢轉劇淙淙響瓦溝瀏瀏下簷春懸雷挂

餘痕承塵漏清滴小婢誼移牀奚童苦運甕况聞老屋傾頗

畏層垣塉遙想桑乾東河流定奔激安得閃金鴉層穹掃秋

碧

小雨足清塵急雨遂破塊久雨積堂坳乃有江湖槩微風皺

圓紋急流起疎籟繞簷芳樹陰倒影宛圖書蒼蘚半蒙茸青

萍漸破碎生平印渚游久已隔塵蓋朝來理屐行頗喜得清

快時間一部蛙鼓吹出荒穢

吾生寡兄弟聽雨空蕭瑟所喜推襟人款語散愁疾秋潦滿

槐街雙扉斷車轍又聞瓊樹枝早度華嚴劫時汪庶常心傳

經往事空載酒風流歇黯黯掩燈檠沈沈卷書帙聊仿杜陵

為後亭撰秋述

送梁孝廉兼士夢善歸錢塘四首

昨宵西風生久雨作新霽客意已悲秋况乃臨分袂淒淒候

蟲吟策策疎葉墜良覲雖有時別悰杳無際扁舟下三沽值

此秋濤厲途長歎易盈節暮寒初至幸共苔岑侶清吟慰蕉

萃時借予門人中
圖南兆定同行

春燈照巷陌春雪鳴簾櫳君時賦哀絃欲語淚霑曾我宿青

乳齋相對殘缸紅夜長強呼酒取醉開愁悰悼亡恨未已上

計途仍窮淹留度暑雨歸向東吳東世事本如幻彈指成塵

空生平夢游春問取香山翁

山房薦樽酒聊慰飄萍迹觴行未及終涼雨忽蕭槭坐久茶

香殘孤燈照吟席攬衣不能眠清愁耿遙夕君思衛洗馬過

江擅標格我慕康僧淵入林事閒適古歡豈在同神氣定非

隔不逢世外人微尚何由釋

夙向西冷游并踏西興渡至今清夢中猶繞南屏路羨君理

煙帆還向湖山住材與不材間頗愛南華句圖中木鴈齋篋

石紛可慕何況歸邱樊自草郊居賦義學叩深公謂大恒
讓山清

言共法護謂梁元穎
侍講同善他時楓柏殷清霜滿村步高窗聞斷鴻

憶我定回顧兼題其木
鴈齋圖

為彭進士允初紹升題畫

柔波如簟碧沄沄石壁蒼寒欲作雲絕似故園橫柳上莼鄉

橋塢罨斜曛

檣頭船小壓菰蒲茶具書籤滿畫圖只恐軟紅緣尙在未容

秋夢落江湖

送門人申孝廉圖南還南

薊門秋半送征槎每憶招尋步屐斜信有微詞憐宋玉愧無

奇字付侯芭涼颺欲落長堤樹碧水還浮驛路沙回首鯉庭

知更切暮雲迢遞隔京華

寄家南明 啟焜於重慶時奉檄採木

羊車聲望滿人寰薄宦誰知道路艱益部煙巒連鳥道巴中風景入烏蠻紀程應近銅梁縣捧檄先臨石笋山楓葉江鄉休更憶天涯容易鬢毛斑

吳荀叔以江米見贈賦謝

燕南秋雨繁秋畦被秋水瀕湖種秫田漠漠生葭葦東吳更愁霖禾頭半生耳何由問長腰索糴分閭里幸我勝東方竊飽太倉米復承知己憐餉遺溢笥几提攜付蕘童歡喜及竈婢老親病將瘥噉粥良可以銅瓶石炭紅歷歷香風起所冀來歲豐三農免庚癸我亦奉一囊庶以報木李

送座主王芥子先生 太岳 回西安觀察任

頻年絳帳隔咸陽此日重窺數仞牆簪筆舊推周太史懸鞭

今觀漢循良賈生暫許陪宣室白傅終應夢玉堂 召對微

聞 溫旨切何辭戀 闕淚千行

朔風殘雪感蕭晨又向東華送畫輪落落詞林存舊雨迢迢行李歷征塵楊橋水退初歸櫂繡嶺花開漸報春何日橋衡重奉席龍門西望倍霑襟

畢修撰秋帆 沅 新納姬人諸桐嶼 重光 趙雲松以詩

戲之次韻二首

兩行椽燭照玻璃昵枕愁聽翠羽嘯歌罷北方情易感人來南國見應迷促妝休比吹笙妓詠絮聊當舉案妻聞道劉楨許平視款門不惜錦障泥

蕭齋重拓小紅窗花下鸚哥月下危煙暖銀篝香似霧燈明綺席酒如江臘前春信梅三九客裏仙緣壁五雙料得始平

工寫怨早緘織錦寄吳鱧

臘月初七日雪夜嚴孝廉憩堂翼祖以次蘇文忠北臺壁韻詩見示因成二首

昨看新月兩頭纖忽覺寒風一夜嚴畫閣與誰吟柳絮茶爐差喜下薑鹽青燈黯黯低衣桁翠竹蕭蕭冒帽簷擬仿歐陽誇白戰層冰已上紫毫尖

無復枯槐噪晚鴉閒門寂寂冷柴車潤回宿麥將抽葉寒入江梅欲鬪花清影儼同修月戶寒聲灑徧釣魚家酒徒幸有公榮在不惜空梁落畫叉

春融堂集卷七終

春融堂集卷八

青浦 王 昶 德甫

蒲褐山房集 壬午 癸未 甲申

夏太常墨竹爲松崖上人題

夏卿一个竹西涼十錠金當時寸縑已寶貴至今何啻千球琳試觀此圖纔九幅幅幅風雨含蕭穆或作柔梢展寒碧縹緲煙雲拂苔石或作勁節撐晴空槎枒林壑生霜風三竿兩竿自孤挺千葉萬葉相縈映其餘高下互橫斜漠漠湘波極秋淨想當盤礴時見竹不見畫麻箋快掃墨淋漓彷彿濃陰滴清漉昔見友石寫蒼筠疑有落翠霑衣巾合與此圖成二妙令我遠夢依江村去年我亦移叢篠愛聽寒聲颭清曉狂飈呼洶壓黃塵坐使幽姿日枯槁安得疎寮面面涼茶瓜閑

宿贊公房更攜寶繪同評泊遙領林中煮筍香

題曹雲西叢篠草堂長幅

千枝萬籜綠坡綠解籜抽梢看不足清和正值日初長時向西窗寫寒玉元季三曹俱有名雲西翰墨更縱橫石隱南軒偕出處風流老鐵共逢迎卽今絹素猶如舊亦有書堂傳世守渡柳前遊已十年涼波一頃空回首

我鄉三曹元末俱擁厚貲獨雲西以風雅

稱今子孫多讀書猶居小蒸舊地

澄懷園雜詠

上直依名園頻年愜幽適昔去榭葉黃今來芳草碧鳥跡印閑堦蝸涎篆虛壁開牕俯清流鳧鴨共拍拍稍看紫蒲抽已覺青蘋積三春在 cities 苦被軟紅迫及茲拂几榻聊可布琴弈仍聞煙鶴鳴一笑墮巾幘

園林數十畝池水凡幾曲迢迢接玉泉渺渺帶書屋緬昔新

建公於茲理幽獨一捲蒼雲空明流湛寒綠更種千芙蓉紅

衣散清馥小艇載茶煙泛雨傍叢竹公去已三年勝景何由

復葭莢掩橋樁菰蒲亂溪谷水檻故依然誰爲咏濠濮敗舫

柳陰邊惟有閑鷗宿

裴少農叔度曰修舊寓于此命園丁刪葑菱買舟吟嘯其間并繪園東寓直圖鳳階題句所謂短竹臥來橫蠅蝻小船撐去亂鳧鷺者也公去池遂荒蕪矣

禁園近西山相去僅數里分明倭妥鬟靚妝傍階屺且當積

雨餘晴翠諸峯洗山態旣縈紆雲容倍渺瀰雲山互鈎帶隱

現紛難紀山靈似故人愛我重來止意欲弄清暉稍示幽居

美惜我如春蠶經年困塵軌輸與山樓人日夕秋雲裏

窗陰杏雨株盈盈映清曙經旬漸飄零微徑萎朝露芍藥與

薔薇亦逐春歸去我來炎夏初碧蘚但盈路差喜戎葵花孤

叢冒煙霧此花世所輕蕉萃誰能顧我欲伴淒涼開時輒微步孃孃石欄前聊足慰遲暮

生平寡歡悰遇賞輒遙歎逢花固淒迷對酒亦清惋况聽西窗雨霑灑及夜半纔密忽復疎將連似還斷松杉頗刁騷葦遂零亂涼風送檐花穿牖入書案未秋已先秋商聲滿深院欲遣秋士知又使秋蛩怨秋蛩爾勿吟悲秋吾已慣

五月苦積潦六月仍愁霖檐端雷虺虺屋角雲沈沈園中芳草路化作秋江潯水鳥亦厭水夜語青楓林我居似蓬島

詩况我官居似蓬島聽雨猶蕭森何況南北淀茅舍沿溪岑溼煙被門巷婦子相悲吟所冀清風來一掃開層陰二麥已早刈幸勿淹秧鍼

退直稍蕭閑掩關便高臥臥起理生衣獨行誰可那所幸小

雲林謂倪太僕躡屐頻來過過我出新詩珠玉生咳唾詩成悉手

書老筆仍婀娜知君小閣居煙鬢對高坐溼翠滿簾衣理詠作清課愧我鞅線材雅倡何由和惟有擁鼻吟藉以養慵惰

曲室語未終濃陰行復播遙憶瀟湘使此時策鈴馱時曉徵侍講方

典試湖南

池南已欲雨池北仍斜陽黑雲截天半稍露殘霞光沿池老杉木颯沓隨風颺輕雷雖噎噎急電何堂堂西山尚蒼翠未許陰蕕藏浮嵐忽斑駁斜界長虹長遂還雨師駕松月來銀塘欲倩米於菟寫此歸芸緇

闡中蔣心餘連夕以詩見示

一丸涼月照重闌十首新詩所見稀愧我頻年持鐵網喜君連日點朱衣掄才信合知言選妙義能尋杜德機好慰青袍

如鶴立非誇落筆散珠璣

琴谿圖為徐上舍友竹堅題

夙聞琴谿名今見琴谿畫杳杳重巖深蒼蒼兩崖對寒泉一
道來曲折瀉清快長虹忽橫截急溜遂澎湃依然彈七絃幽
響振林藹君家山中居老屋互鈎帶綠樹隱鷗沙青蘿翳鶴
柴日弄青瑤流蕭條絕塵壒況有蒼龍鱗吟風奏天籟一洗
箏笛耳逍遙寄物外我從聞思修欲入三摩界十載不聞聲
此境何由逮他時桐廬江時友竹在富春小舫破煙靄來聽玉琮琤
為余掃竹廨

寒夜招曹來殷張策時集蒲褐山房聯句送朱吉人

歸桐鄉用昌黎雨中寄孟幾道韻

祭鞍俶行衰合簪肅雅拜德甫依依贈策情款款臨岐話來風

月暫同堂山川漸分界吉人蕭寥羈客悲颯沓商聲噫策時消寒

藉酒罍破寂備詩械德甫醉腑生輪囷狂吟吐荒怪來殷何妨歌

且謠未敢噍以殺吉人異地欣合并黯魂惜邁邁策時方期雲相

從詎意石終介德甫卑論任挪揄達觀寧癡疥來殷大雅意鵬搏

微才異馬快吉人風髮定見收雲翮豈長鍛策時休嗟趙壹窮聊

備高彪誠德甫憶從題素襟霍若起沈瘵來殷末契儷金蘭微詞

合鍼芥吉人捶琴發清機賭奕忘宿憊策時高攀鳥道危險踏魚

梁壞德甫曾藏嶽峻嶒興吞夢澎湃來殷飛筆鬪錦箋燒燈眩紅

韎吉人昔共對牀眠今聽離笛喝策時青霜五夜濃黃葉千林敗

德甫鳳城轅欲馳鴛水權將屆來殷削牘悔雕蟲持竿擬垂悖吉人

知君雖解鼓念我寧棄蒯策時搖搖心似旌卷卷髮如蠶德甫舊

雨跡誰同清風道先戒來殷難禁別淚零忍逞飢涎噉吉人五噫

軫梁鴻百端集衛玠策時枉訊佇瓊枝贈言愧金薤嘉會非
終睽獨行慎占夾來殷

瀛臺卽事

麗景載暄和層冰尚演漾寒銷太液池展眺神彌王疎林畫
艦傍殘雪 觚稜上茲地本瓊華金源記開劔恍疑真仙居
勝槩等蓬閩紅橋往復迴白堦晴相向隱隱金地鐘北爲永
寺二肅肅瑤堦仗簪筆肆餘閒振衣適遐望誰云江湖佳對此
遙幽曠願借靈沼禽游泳遂微尚

送同年平瑤海

聖臺

回臨川縣任

人生真似飛鴻迹一別東華良會隔南北差池十載餘相逢
仍在長安陌感時豪氣動鬚眉中酒清譚露肝膈回想東堂
折桂時走馬金門同射策君登采殿染江毫我理歸舟悲

楚璧泰岱朝披霽旭紅廣陵秋攬飛濤碧此時戴斗望空桐
夢裏分明見標格雌伏雄飛那可期白衣蒼狗須臾易翠

華萬乘莅南邦獻賦

帷宮奏金石

聖恩優許厠薇垣

稍向青霄舒倦翮誰知君又適西江彭蠡晴雲振飛鳥臥閣
濃花拂印牀行春秀穗依車輓果看報最上巖廊共喜循

聲蜚簡冊昨朝引見動

天顏

御屏姓氏真烜赫我方

趁曉直 乾清竊聽 溫綸增悅懌預期特擢獎賢良豈
獨高才領繁劇去年暑雨漲滄江九派風潮互溯濤中澤難
安鴈鶩居荒村欲作鼉鼉宅至尊南顧每咨嗟賜復

蠲租紛絡繹凋瘵終須慈惠師拊循端藉文章伯父老應仍
望細侯友朋何計留征客沖融淑景解冰霜迢遞郵程慎眠
食他時燕寢晝凝香好寄瑤華慰相憶

題一泉上人出塞圖六絕

京洛重逢雪滿顛，漉囊筇杖意蕭然。諸方行脚休辭老，持較曹溪少十年。

薊門北去萬山雄，戍鼓軍旗颭朔風。知是南方嫌軟熱，坐聽礪雪學清公。見夢游集

岫雲寶地舊知名，松竹香林分外清。行過華嚴開講處，礪泉秋雨玉琮琤。

停雲舊館已雲煙，方外風流見後賢。莫作啞羊方口食，西堂翫月是真詮。文氏小師文山先生之後也

懷仁書法贊寧詩，慣寫江梅玉一枝。想見塞垣孤寺晚，藤窗小幘墨淋漓。

石門風口望中收，香界天池憶昔游。舊主蘇州華山講席更有家山忘

未得碧雲紅葉泖湖秋

闡夕雲松和心餘詩見示感作

重闡華月色如銀，掩卷挑燈笑語親。所見豈皆如我意，相知自在識其真。從來義理無窮境，自古文章有替人。陸內相同

梁補闕見韓文公集昔賢愛士與誰論，送戴孝廉東原歸新安兼詢金秀才輔之。榜

天都歸去謝紛撓，通路亭前竟打包。文字何人迷五色，神明有夢授三爻。更隨老宿窮經緯，謂江君細與同心辯禘郊輔

之方習三禮作記已煩名，鄭學鑿楹先付小胥鈔。重游豐臺王氏園林有感二首

兼旬小極息勞筋，行藥城南意正勤。淺水尚畱前夜雨，寒霏仍接遠山雲。餘花荏苒臨風落，好鳥閒關隔屋聞。莫恨尋春

來較晚古槐高柳滿晴曛

名園一徑草芊芊彈指前遊近五年無復亭臺畱寸碧李格

陽名園記董氏東園獨流杯寸碧二亭尚完微聞花木入平泉古藤壓架依危石疎

柳眠池拂壤船依舊小樓吟賞地斷垣風雨繡苔錢

西苑侍耕藉恭紀

芳郊扇暄風文囿潤靈雨太史晉禮儀音官驗鍾呂 聖

念廬春田鳴鑿啟清籞崇門直桃蹊曲逕踐蘭圃迢遙 豐

澤園 帝藉劭往古吉蠲擇元辰俶載重隰土四推典可

循禮著三推帝加四推之禮遂為令典一廢義攸取布穀響池塘犂

牛係林莽 黃繖從中升青紘次第舉徂畛備公孤扶犁迨

亞旅有年雖頻書農事敢遑處酒從 太室頒粒俟 神倉

貯用徵二氣和永協九功敘會見嘉種登吹豳報田祖

林溝道中

曉拂吟鞭趁馬羣近山嵐靄漸氤氳沙汀寂歷聞疎雨煙郭

參差辨密雲長坂呼牛芳草足回溪放鴨亂流分人家一路

垂楊裏報午村雞隔樹聞

過密雲

地是庠奚舊時從獵較來風高雙旆捲日出衆峯開宿霧霏

霏斂輕雷漠漠催緣邊形勝地斷壘接烽臺

南天門

路迴天門接山高地脈分女牆高挂月烏道遠凌雲古戍黃

花鎮清秋白鴈羣從臣爭試射鳴鏑不時聞

青石梁

茲梁何歲鑿杳窅通龍廷兩崖盡積鐵忽起森崢嶸斗削砥

其上編亘如墉城連連互排比磴道中盤縈仰企想懸纒直
下儕建瓴偉哉鴻鈞力作障藩幽并緬惟

聖祖日蒐

獮懷邊庭取道在鞍匠此路夙未經迄今屢開闢浩蕩容輜
輶巍峩雲臺仗赫奕陰晷旌上下三十里初旭生光晶斑斑
野卉綴泱泱流泉鳴因思古北外厥險周重局奚爲崖厂畔
在昔疎屯耕乃歎前代陋馭遠無奇營下梁暫憩足乞漿叩
衡荆陰露稍翳藹回首塵沙清層巒不可數一氣橫蒼青誰
云路險阻我馬方奔騰

出古北口

重鎮接盧龍嚴關鎖碧峯盤空干堞峻亘古一丸封笳鼓排
軍壯人煙列肆重自河流水急浩蕩想朝宗

纔望金溝淀旋過石匣城西涼莽蕭瑟北口自崢嶸墨斗山

誰能指蠶房尚有名虛傳楊業廟石馬負熊旌

喀喇河屯

戍砦黃崖古煙巒黑谷存地曾分五帳城尚啟三門壁壘思
渾黜軍鋒想撒敦高臺吹角罷自古重軍屯

精嶺依關壯灤河並海趨星辰通北戒日月接東隅萌骨封
仍大金源蹟未孤蕃王爭望 幸氈帳滿平蕪

興元曾置縣寧朔更名軍後衛雄天險中都據地垠奚王牙
帳舊鎮將列城分尚憶前朝事傳烽入暮雲

常山峪晚直

馳道緣崖築 行宮傍嶺升前驅先射虎別騎晚調鷹夕照
千峯雨疎煙萬帳燈秋風殘暑退涼氣滿衣棱

熱河雜咏

地氣通西顛山形枕北庭峯當斜照紫樹入暮雲青亭障傳
三衛人煙雜五廳誰知甌脫路箏板唱瓏玲

路本鄰三會營仍列八旗蕃奴工牧馬村婦慣呼絺熱河峯

婦女呼聲郡邑傳興化封疆遯女祁織皮坊市盛不擬望寒

衣

初地時舍利塔初成珠宮演上乘薄仁薄寧二寺更營固爾札鈴鐸

拱三層

拱三層

固爾札廟新成

丹青絕壁繪天龍初地移來倚碧峯玉塞早聞經劫火珠林

重與煥慈容都綱遠示莊嚴相步薩兼傳祕密宗象教依然

同月峯蕃渾驚喜聽鯨鐘

詐馬

詐馬為蒙古舊俗今漢語俗所謂跑等是也然元人

所云詐馬實咱馬之誤蒙古語謂掌食之人為咱馬

蓋呈馬戲之後則治筵以賜食耳札薩克於

行圍木蘭進宴時擇名馬數百列二十里外結髮尾

去羈韉命幼童騎之以鎗聲為節遞施傳響則眾騎

齊騁騰越山谷不踰晷刻而達掄其先至者賞之

突如急箭離弓鞘捷如快隼除鞵條蕃王詐馬夙所謂觀者

目眩心神搖名駒數百陳平臯束髮解轡開鈴鑣健兒離立

垂輕髻忽開火礮聲周遭應節直上儕猿獠先者怒出追秋

颺後者絡繹驚奔濤耳畔但覺風刁騷勢較晷刻爭分毫或

越林莽登山椒二十里外恣逍遙御筵黃屋蒼天高諸蕃

列侍同班朝坐歎絕技真嫖姚三十六騎神勇超錫以金幣
榮嘉褒如此迅疾逾龍躡何難直達崑崙尻

榜什

榜什蒙古樂名其器則笳管箏琶阮火不思之類將
進酒于筵前鞠脰奏之

秋笳忽起聲嗚嗚琵琶絃管爭傳呼衆音方競歌響作低昂
雜遝鼓隴嘲十番由來本塞上用以侑食爲嬉娛我皇
蒐苗向朔漠名王萬部羣奔趨團團廣幕設平陸爛爛綺席
陳行廚鞠脰再拜衆技列上壽用博天顏愉大曲小曲
互繚繞先奏後奏咸虛徐叩宮應徵悉中節合以古調原無
殊軒皇張樂洞庭野周王設樂崑崙墟寧如行圍并錫
宴雜陳禁味兼倘侖樂停雲日明爰閭應有靈鳳儀天衢

相撲

相撲之戲蒙古最重筵宴時必陳之本朝亦以是
練習健士謂之布庫蒙古語謂之布克脫帽短禱兩
兩相角以搏之仆地爲分勝負

一人突出張鷹拳一人昂首森龜肩欲搏未搏意飛動廣場
占立分雙甄猛虎掉尾宿莽內蒼鷗側翅秋雲巔須臾忽合
互角觝揮霍掀舉思爭先擣虛時時見蹴踏扼吭往往愁傾
顛壯心終擬作後勁努力寧肯輸先鞭三禽三縱逾拗怒再
接再厲紛騰騫曳柴偽遜陋狡獪舉鼎絕臏猶喧闐要使一
蹶不復振如鳥跼翅魚投筌勝者昂藏作山立命酒飽食
黃羊鮮相又相撲山法華經雖小技較藝亦足威窮邊豈如翹關
拔河戲僅資嗷誇輕儇

教駢

教駢周禮所載今惟蒙古熟習其法謂之騎額爾敏
達驛馬三歲以上曰達驛額爾敏則未施鞍勒者也
每歲札薩克驅生馬至宴所散逸原野諸王公子弟
雄傑者執長竿馳繫之加以羈韉騰蹕而上始則怒
馳逸騁豨突人立頃之乃調習焉

塞垣生馬猶生龍瞬息百里騰長空騏驎誰能赤手捕蕃王
王子真驍雄長竿一丈如飛虹攬身直上披花驥馬驚且怒
作人立奮迅一躍無畱蹤雲沙颯颯煙濛濛山移谷立秋濤
衝或蹄或啣無不有倏起倏落焉能窮須臾力盡勢稍息俯
首始受金羈籠朱纓玉轡紛玲瓏歸來振策何雍容
僕盡歎羨真足立仗長楊宮是時 大蒐實顏東天

相追從蘭筋硯礪森方瞳更 命考牧搜名驄花門萬騎聲
隆隆降精天駟寧難逢嗚呼降精天駟寧難逢莫使大野夜
夜嘶霜風

八月十五日夜進哨

出塞仍逾塞中秋不當秋沙驚圓月暗風挾怒泉流累石橋
仍窄連山雨漸稠依巖茆店小彷彿一燈幽
隔嶺人煙少緣溪虎蹟多霜寒嘶病馬沙澀伏明駝遠戍聞
傳檄前驅見荷戈今宵畱滯客紅蠟唱伊那

自熱河至張家營作

令典秋三月康莊第一程滄溟連鴈塞古戍巨龍城禾黍徵
豐稔烽煙息太平何期韋帶士得與飲飛行
紫塞盧龍北檀河又白河日暄乾稻廩風勁轉蓬科鳥雀因

寒聚雞豚就食多義皇風俗古竹馬更婆婆
六十七圍場方輿及大荒秋高峯更翠霜重草全黃地界卡

平聲倫接泉源淖爾長每一圍場中必有哈達山下彎環紅柵

在來往便戎行圍場八旗分四正四隅相距二三十里不等

山大則禽獸多山小則禽獸少故遠近不能一槩也

木蘭圍中和申光祿笏山韻

霓旌風急動龍蛇跋馬秋原野徑斜指點溪山真似畫可無

茅屋兩三家

歷盡孱顏鳥道平萬峯頂上曉霜清不妨預作登高會只少

籃輿載酒行

沙河纔過碧山開前一日住永安拜蒙古語沙河也古木秋深翠作堆空谷

何人能見賞年年風雪老琴材

短衣茸帽曉迎風塞鴈行行映碧空知是山程行過半初陽

一抹樹梢紅圍中路程遠者不過三四十里近者乃十餘里每黎明啟行至曉日三竿則已抵下營矣

再次前韻

溪流曲曲縮秋蛇列帳層層傍嶺斜人語雞聲成小住居然

來往似鄰家

絕磴初開木棧平蒼崖雨過十分清書生忽欲誇身手笑與

期門縱轡行

旃門兩翼畫旗開颯沓風生萬馬堆今歲獻禽知倍富龍沙

天驥正呈材侍衛傳君靈安斬從大宛市馬歸高伉壯健異于常品

千林黃葉颭秋風殘日初沈暮靄空散直歸來頻覓路停鞭

遙指帳燈紅

古長城

亂山層疊不可登中有岡阜森崢嶸高者龍身漸迤邐卑者
豕腹餘彭亨年深絕無樓櫓迹日出但有磨磨行方輿志乘
久失載相傳指點稱長城後王德薄地亦隘豈能直北踰龍
庭背婁箕尾值燕趙專心分野曾硜硜或言矧造由秦嬴西
起臨洮東滄瀛當時將兵三十萬欲使蒙氏誇邊畔迄今古
址在北口去此千里難爲并應當循蜚疏仡代本御製幽
長城記
都荒畧歸生成是以舜封州十二厥壤蒼莽包并營我
皇拓境極西域已盡月竈全縋紘況此木蘭等苑園校獵歲
歲飛鳧旌中外一統奚足辯但思肄武覘豪英蕃君盟長會
治事舉柴助殺輸精誠檉柳條邊易古志豈限南北分行程
簪毫幸得侍 仙蹕九邱八索疇能名見聞所及豈可忽擬
補伯翳窮荒經

錢唐相國惠哈密瓜賦二十二韻

異蔬殊方進嘉名舊譜傳色如沈碧瑩類似早青妍辯種來
箕水移根傍露川瓠瓢同繚繞跂胸各聯跨下子獠奴熟分
秧圃老便離離盤複壟漠漠擁平田弱蒂依沙長脩莖隔樹
牽融風殘暑候細雨蚤涼天靈液滋旋滿長苞味已全含瓢
真玉潤賦質恰珪圓共識瓜州產真逾石蜜煎傾筐堆畎畝
壓擔赴郊鄜荒服稱奇最邊氓錫貢虔受和徵土物表美應
星躔封裏馳官驛陳肴進 御筵 殊恩頒上相 特命走
中涓乍圻筠籠細高裝翠甌連擎來涼似雪削處汁如泉色
映頗黎瓊香陪藥玉船品非湖橘賤質勝楚萍鮮作賦懷張
翰摹形媿傅元分甘攜畫榼推惠到書氈最稱消寒酒偏逢
小雪天燒燈將餞臘竊喜得加邊

翁編修振三

方綱

移寓東偏喜而有作

數椽老屋在東頭
茶銚花磁位置幽
仿得樂天詩句好
綠槐宜作兩家秋

耘菘移宅已三旬

先是趙耘菘居此

幸得君來共結鄰
可是寄園風

雅地下居往往得詩人

西南小巷實荒涼
桐嶼新來又望湘
諸同年升之向與同巷今出守辰州彩筆

豈能干氣象魁三差喜近文昌

前考試差君第一子第三故云

一道茅牆僅及肩
詩筒酒榼往來便
只愁忽得驚人句
夜半

狂吟醒醉眠

四十初度劉閣學映榆招飲于畢秋帆聽雨樓並邀

陸健男趙升之兩舍人共為百年之祝賦此致謝

雪中退直感蕭辰折簡緣知綺席陳
正值晉卿悲子卯

時林

國方敢同楚客賦庚寅百年致語叨深意
三壽齊稱愧後人

明日登樓還報謝
西山遙望玉嶙峋

招家蓬心 宸小飲

又是殘冬近小除
蕭條雨雪掩衡廬
經年詩卷從頭校
換歲春聯信手書
估客遠來貽醉蟹
庖人新味薦冰魚
隔牆相喚開新甕
莫為窮愁結柳車

直廬曉坐

東直門已開

北闕鐘初響
鳴鑣入建章
瑤屐躡宏敞
殘月

遠無痕
明河高有象
直廬散微香
封事猶未上
偶與鷓鴣行
披襟勵誠讜
松火轉茗爐
蘭膏映書幌
靜欣翰墨閑
晴覺雲霞朗
禁地肅清嚴
簿書謝鞅掌
慙非經世材
謬作釣天想

東直門

陵寢紆宸念和鸞啟仲春日隨龍蓋影風淨馬蹄塵牟
麥青盈隴黃楊綠覆津焚香諸父老夾道擁朱輪

蘆溝橋道中

滕六宵來尚撒鹽寒林風色鬪清嚴柳邊忽上三竿日微瀟
還看滴帽簷

蘆溝河畔夜如雷兩岸層冰一道開鼓橐緣知春氣早石橋
隄外玉山堆

雲開石徑翠巉巖聞說金經近百函除是水西莊上客誰能

親手剔貞城望石經山山中有唐刻石
經查恂叔曾親往摹搨

寄盧運使雅雨德州四首

往事如雲遠前遊入夢長每思官閣夜還憶廣川鄉懷袖三
年字心期一瓣香歲星遊戲久人擬是東方

問說抽簪後園林事事宜調琴松下屋檣權竹閒池漢上耆

英會松陵唱和詞幽居兼學道應已放楊枝

畫扇家風在雲莊接杜亭皆盧氏
故事扶筇穿窈窕散曲按瓏玲

瑣事彈棋格仙方服食經猶多問字客載酒叩鐘莛謂周書
昌永年

梁鴻翥
諸君

追憶清狂日招邀樂事偏春陰瓜步笛夜雪廣陵船物論推
前輩風流似昔年樊川今漸老為報鬢蒼然

倪給諫穉疇國璉七芳遺冊為敬堂太僕承寬題

作畫如作詩妙意在標格翛然玉雪曾豈染塵土迹先生姑

射仙蓬閣偶降謫生平書畫詩一一探幽蹟過眼等雲煙聊

刺海水滴流傳到克家鄭重祕先澤斜陽小窗明清香凝去
聲

簾帟端拜出示我墨華動琴冊梅蘭孕微馨松竹湛深碧叢

菊本佳友秋蕖亦溪客猗猗水仙王凌波向寒魄羣芳不並
時孤潔正相敵冰霜老歲華水月伴晨夕桃李雖漫山豈中
作僮役譬之衆正居學業各有適趣異道必同雅契比金石
風流房相琴瀟灑謝公屐吞腥啄腐流未許近几席持此論
前賢寄興庶可測嗟我生苦晚何由接巾舄讀書得其真清
襟定岑寂遺韻足千秋蕭蕭起寒色君今慎藏弄已比萬金
璧雖無寒具汗勿使塗鴉厄君家近西溪儼似衆香國圖中
數種花芬敷遍阡陌他年乞鑑湖提攜歸硯北相與山澤臞
摩抄永無斃

輓受銘

藥裹茶鐺慣臥病忽聞薤露促悲歌飾巾忍見風流盡掩袂
難禁雪涕多翼相不堪頻舉解匿王何處更觀河楞嚴波斯
匿王長水

義疏稱
為匿王

丁辛老屋新塗墍誰料披帷痛逝波

深譚揮麈又何年重溯前遊只惘然犀角有人能拂拭子復
少慧

為香樹尚
書所賞識牛腰無計與雕鐫時詩集
未刊生虛下壽天真酷死更

長貧鬼亦憐瓜步煙波燕市月迴腸愁過酒壚前

七月初八日隨

蹕起行

銀河絡角隱茅茨擁篲兒童滿路岐試看吉行誰送喜曉鴉

啼過見芻尼

鳳城雉堞逗晴暉夾路疎楊綠未稀水曲風來涼意足又看

清露溼征衣

小橋流水尚沖融知是前宵雨澤豐黍稷已收門巷淨偶聞

雞犬出深叢

灤陽雜咏

再過秋蒐地深知 武德長連雲開雉堞計日會龍驤苑樹
森榆柳山田熟稻梁人煙塵市足誰信近圍場

每共簪毫侶常娛扈 蹕心磬鐘晴日麗墨斗慶雲深五渡

水瞻清景三驅樂德音自來湖海客誰及此登臨

舊典三秋重新 恩十載宣 自甲戌乙亥後準夷回部蕩
平台吉羊桑及哈薩克布魯

特使臣皆與蒙古王公等
輪班至熱河朝覲 賜宴 笙簧陳法部鼎俎列賓筵風定銀

花放雲開玉鏡圓魚龍爭曼衍羣樂侍鈞天

進圍場

康熙年間準噶爾方強侵軼蒙古諸部
聖祖親征擊走之蒙古銜 恩共獻地五

百餘里以奉秋冬較獵
木蘭圍場自此始也

木蘭千里龍荒接準部強梁共震懾 王師赫怒殲兇渠從

此諸蕃奉游獵獮蒐年年出塞行選徒每值秋風清講武寧

惟習勞勩來 覲要使摠精誠茲逢晴爽移 仙仗碧山紅

樹如屏幃伏莽先搜狐兔藏解絲已見鷹鷂颺半圍如月分

遮防須臾止殺收旗槍一十四圍連日舉風毛雨血齊騰驤

哨鹿行

期門壯士枝鹿冠馳馬半夜踰孱顏雲生月暗萬籟寂哨音

一縷清而鬪雄鳴雌和欲嘯侶深林潛出來相看忽逢人立

駭躑躅神鎗應手遭傷殘同時所獲豈勝計他他藉藉皆騰

歡大庖不盈古所誌豈為多殺資盤餐彎弧已快三耦中解

網飭使千軍旋由鹿已憐殺機重放鹿曾仰 仁恩寬 御製

鹿有放
鹿詩 上林定有蒼白至虞人告瑞歌般般

殺虎行

塞垣霜落千山凍五夜行圍開萬眾坡頭地角盡包羅貪狼

狡兔羣惶恐看城早設 帷宮張亭亭黃繖雲霞縱健兒驍

將正馳驟忽聽深林呼嘯其始覺山王已負嵎半倚巉崖半
巖洞彎弧如月那得傷爆竹如星亦難中豕狐猶令百獸驚
目光直射千夫謂周陸雖已列三重袒裊終虞成一闕五人
突出忽當場敢冒腥風為此弄虎窮無計亦騰飛當心一戟
乘其空四人併力刺鬻蹄斑斑委地知何用長絙巨索曳平
蕪獻來尤覺鬚毛動昔年一矢播
天威此時徒御何
喧哄預知白獸定開尊歸去青絲且緩控殪兕應同小雅詩
射熊休比長楊頌

還至熱河寄家信作

興安霜雪點征裘歸路頻嘶玉腕驕為報高樓休悵望行人
今已度茅溝

土銼松柴半榻溫曉燈殘菊印牆痕秋霜吹過重陽節風雨

依然滿塞垣

淡雲微雨釀寒天疎柳蕭條拂錦鞵差喜刀環行漸近秋河
三度月華圓

鄂爾楚克同陳通政星齋北崙晚坐

塞山秋晚最淒清笑看玲瓏翠壁橫細數昔賢誰得到幸逢
名宿與同行半痕新月穿雲出一曲幽泉繞澗鳴知有雪坑
香茗在竹鑪松火待徐傾

商太守寶意盤至都畢秋帆招同劉映榆錢坤一趙
升之嚴東有程魚門陸健男童梧岡鳳三吳鑑南璜

集聽雨樓和寶意韻

高樓樹杪鬱嵯峨深巷鳴鑣上客過詩卷久看凌鮑謝賓筵
重見集陰何蠻煙瘴雨羈愁劇剗井柯桐昔夢多感事不妨

拚痛飲酒星芒動拂明河
巖疆幾載擁干旄入
觀依然意氣豪四海人才歸月旦千
秋詩派接風騷湘屏風細催檀版定瓊波生鬪玉醪聽雨卽
期常話雨咬春燕九共嬉遨

贈寶意太守卽送之雲南順寧新任五十韻

憶昔羈卯年論交遍江甸好事聚敦槃名流肆譚讌維時侍
御公次山先生丰稜表羣彥亦有大布衣李徵君 藁若任蕭散我
常相追隨昕夕共几研兩君出示我質園詩數卷殷如鐘鐻
鳴朗若珠玉炫雲霞麗縹緲波浪激澗澗容裔垂長旂芳華
飾修鬚低徊秦青謳惻愴楚妃歎洵爲六義宗豈容一辭贊
快讀四五番手脚輕欲旋側聞夫子名雄才著臺院聲華元
白亞譽望揚劉選好句織弓衣清標畫團扇佐郡向金陵秋

江澹澄練六朝餘韻在三閣遺蹤徧聽箏仍慨慷邀笛頗婉

變復有臨汝郎袁子才風流互游衍濛濛花月地作達傾都羨

長風送高軒蠻鄉擁郵傳天柱矗峻嶒靈渠瀉洄漩偶逢驛

使來問訊眠餐善所思在桂林慊慊心目明今秋從長楊親

侍頭鷄宴遠山叫鷓鴣匝地射彪彪歸來聞雙旌前驅過灰

泥相望二十年春明忽相見議論翻江濤精神閃巖電軒昂

動鬚眉矍鑠著顏面文章老更成篇什多益辦依然次公狂

未覺長卿倦名賢更翕集鳴鏢溢里閨風霜小閣寒燈火重

樓案折簡並招邀銜杯輒繾綣道古泝風騷勵學本經傳賓

朋一代才著述千秋擅仰睇天市垣德星迴霄漢更闌話舊

雨身世等夢幻王李歸道山陳根付深喑袁虎亦分衿停雲

隔樂澗茲復萬里行專城就邊宦論心感夙契執手動遐戀

所喜西南屏山水盡峭藉天躔近井鬼地勢異蒙段靈蹟古
未開新詩應獨煥壯游良足誇遠別詎爲忠焚輪振擗颺野
松急飛霰萬嶺聽嘯猿三冬逐征鴈還當酌酒人城南待追
餞

送周侍講稚圭升桓赴蒼梧鹽道任

本朝故事詞臣重 講幄森嚴陪法從上殿熒煌 仙仗開

御門清曉爐煙動明禋 祝版肅郊壇稽古 經筵陳雅

頌定例 時享 經筵及 御門南北 兩郊 儒生接武近

雲霄特躋崇班依藻棟未論文彩植麒麟已羨聲華等鸞鳳

矧君本是白眉良君行第三見北 史孫靈暉傳 瑤琨雅稱荆揚貢章在書

迹俗同誇經進詞章世爭誦高名漸欲擬嚴徐榮遇方期頡

沈宋一朝 恩旨忽超遷萬里長征需嚮用夙嗟權算重鹽

齋食貴時時困黎眾當爲農末利均輸肯使僮胥恣喧鬪算

緡定在斥錙銖選吏兼須剔諛詞此行風土入蒼梧約計郵

籤過章瀨送臘年光近小除迎陽冰雪開微凍贈策將歌驪

在門當筵莫負蛆浮甕十載親知詎忍離百分快飲何嫌痛

璇斗行看柄插寅使車到處春當仲五雲如憶上林鶯衙齋

應有還 朝夢

過梁文莊公楊梅竹斜街舊第有感

靈輻一慟隔郊原還過平津更愴魂高閣漸看成馬廐華堂

誰復仰龍門巳辰空悼經幃夢子午深懷 黼座恩想見鶴

頭南去路炙雞瀆酒共聲吞

送吳上舍樸庭煇文游房山卽往易州書院

來如飄風去如電三載京華幾相見一朝剝啄叩閉門復此

空齋言笑晏碧海黃塵看已空白鬢紅頰身猶健頗將心法
問禪那剩有空華在詩卷愛君學道已蕭閒愧我多生積憂
患正思妙語破春容九九消寒接昏旦何爲又作打包僧桑
下寧無三宿戀拂衣遙指大防山一髮青蒼心所羨河山兩
戒本中條玉堂石室千秋擅百尺雲崖仙鼠飛數重雪竇銀
鱗現靜琬碑叢藤蔓封長江峪古泉流澗已知地主足雷連
謂商明復有詩人偕汗漫謂商太經行應憶拓坡仙循覽遺
府衡文淚幾泣謂萬孝廉循初當時吐氣虹霓垂誰料前題胷苔
蘇游歷頻紆感舊心分張詎免盈襟歎時寶意將塞驢歸蹋
翠屏西偃蹇青山對空館黃金臺榭弔荒蕪絳帳生徒供問
難玉川寂寞抱遺經楊子深湛作元贊相期遠道賁書緘仍
擬殘冬其霜霰哉盍先從文度謀謂令子平原十日恣游衍

奉命同汪舍人康古閱續藏經

覺海三生獲問津重來內院展金輪珠林繙譯均堪寶椒寢
流傳恐失真因續藏內有明九蓮樹接觚稜卿月麗時諸城
辨香霑經案法雲新支那撰述何能盡支許相隨喜夙因相國監

地詩如清磬寒殘夜破昏睡詞章亦空華畧等搏沙戲相期

空齋言笑晏碧海黃塵看已空白鬢紅頰身猶健頗將心法
 問禪那剩有空華在詩卷愛君學道已蕭閒愧我多生積憂
 患正思妙語破春容九九消寒接昏旦何為又作打包僧桑
 下寧無三宿戀拂衣遙指大防山一髮青蒼心所羨河山兩
 戒本中條玉堂石室千秋擅百尺雲崖仙鼠飛數重雪竇銀
 鱗現靜琬碑叢藤蔓封長江峪古泉流濺已知地主足留連
 謂商明復有詩人偕汗漫謂商太經行應憶拓坡仙循覽遺
 府衡文淚幾泣謂萬孝廉循初當時吐氣虹霓垂誰料前題胥苔
 蘇游歷頻紆感舊心分張詎免盈襟歎時寶意將塞驢歸蹋
 翠屏西偃蹇青山對空館黃金臺榭弔荒蕪絳帳生徒供問
 難玉川寂寞抱遺經楊子深湛作元贊相期遠道賁書緘仍
 擬殘冬共霜霰哉盍先從文度謀謂令子平原十日恣游衍

奉命同汪舍人康古閱續藏經

覺海三生獲問津重來內院展金輪珠林繙譯均堪寶椒寢
 流傳恐失真因續藏內有明九蓮樹接觚稜卿月麗時諸城
 香霑經案法雲新支那撰述何能盡支許相隨喜夙因相國監

生平物外心
 初參妙旨
 作茶瓜語
 楚離無三宿心

香露凝寒水漫漈支眠對波回猶盡支指林對喜風因

流轉好夫真善幽雅善飲入茶樹樹對山對噴且顯

寶藏三主贊問車重來內到是金神林翻晴出掛寶琳寫

津命同王舍人東古閣懸煉

春融堂集卷九

青浦 王昶 德甫

聞思精舍集乙酉 丙戌

送藥根上人湛汎往五臺三首

生平物外心愛與幽人侶琴聰暨蜜殊接蹟滿庭宇入冬事
朝參每趁蘭臺鼓未暇理書籤何由接巾屨春來賸餘閒擬
作茶瓜語又聞理條衣翛然即羈旅碧雲感湯休零雨愴孫
楚雖無三宿心詎能浣離緒

牛首獻花巖幽棲祖堂寺煙霏靄層巒松竹起清吹寶坊始
融公諸天儼環侍吾昔過牛頭支筇探靈異遙望西風嶺金
碧炫蒼翠所悵夕陽斜幽尋興未遂知君繼石谿風流照初
地詩如清磬寒殘夜破昏睡詞章亦空華畧等搏沙戲相期

紹黃梅盡掃文字諦藥根曾住祖堂方丈

東方大震邠最數清涼境宵燈散月峯秋雪凍天井文殊童

子居金閣現空影華嚴有大師墨海掃千穎疏鈔百萬言辯

才絕馳騁卓哉賢首宗義與雲天永君今攜軍持焚香禮五

頂獵鳥答梵聲冰霜寫清景應參法界觀一笑六塵靜歸來

過傲廬為我破幽耿如談十會文豎拂猶可領

書錢湘靈陸燦所藏宋搨顏魯公爭坐位帖

平原石墨重兼金自記生平歲月深更載湖州莊氏史存亡

何限故人心

題王元照仿梅道人山水

小亭孤閣遠重重一幅雲山似粵中應與奉常相上下不須

更說學思翁見陳眉公跋語

尙未分符到始興中年山水已飛騰緣知麟鳳洲邊住臨徧

煙巒滿剡藤考此幀自題已卯小春蓋崇禎十二年其後始為廉州太守及遭兵變回吳筆墨流傳更少矣

兼值經咒館時古梵字漢文四種用烏金紙分行橫書

之送往前後印度謹藏而經中漢魏六朝文義僧人未能通悉何從繙譯故先以朱竹君任其事近竹君督學安徽屬和代之

墨海珠林未有涯偶逢奇字苦聲牙三乘妙偈雖能解四句

旁行尙恐差當與什公繙祕密兼同神琪辨聲華楞嚴流變

華嚴字義學何人得共誇

蕭寂

蕭寂何須遣幽閒得自如清樽蓮葉酒小帖韭花書香鼎春

寒後瓶笙午夢餘夕陽聞鳥語吟望下庭除

聞查上舍藥師岐昌詩感悼二首

彈指華年駒隙過竹林游蹟邈山河舊交漸似孤花少詩卷
空留束笥多魂魄有知應悵望文章無命更蹉跎橫溪老屋
依然在溪老屋見敬業堂集藥師為初白先生孫橫欲奠椒漿奈遠何

不分新知是舊知相逢把臂慰相思寒缸夜倒茶藤酒長卷
爭題芍藥詩此述辛巳歲藥師在京時事夏課春帆風格在夏課春帆二集亦見敬業堂集

堂集山程水驛計音遲廿年馬鬣虛封樹歿視何由慰積悲
時初白先生未葬藥師力營窆
安事比集而藥師復以病亡

題陸葵翁秉笏吳淞歸棹圖

纔別酒人燕市便隨釣客吳江想見推蓬一笑九峯翠滴船
窗

淅淅風吹五雨迢迢水漲三篙回首軟紅香土何由更上征
袍

久羨厠滄浣滌旋看筇杖扶攬從此杏花春雨不須更寄銀
槭

家本平原內史人如錦里先生計到抽帆時候金臺紀述還
成君家文裕公
有金臺紀聞

煙外一痕鴈陣林間幾簇漁罾指點柴門如畫隔溪紺塢層
層

守歲詩成夜雪先生去冬除
夕詩甚工還家節近秋颺故里樵兄漁弟
相逢為說相思謂叔子
諸君

高秋七月八月絕塞千山萬山想遍江村風景何堪更出巖
關時余將扈
蹕木蘭

一幅吳淞煙水依然三泖漁莊也擬將來歸去蘆灣同聽鳴
榔

七夕有憶

碧蘚紅牆蝕雨癡
虛窗孤燭夜漫漫
香殘小院穿針會
月暗空階乞巧盤
錦字誰傳千萬恨
朱絃欲起再三歎
分襟便是明河隔
惆悵宵來鬢似潘

早赴古北口

邊月初升夜色開
秋霖纔霽澗泉哀
鈴聲風動鷹鷂颺
葉響林疑虎豹來
上將功名覘衛霍
時伊犁將軍參贊相次入
觀從臣才藝愧
鄒枚簫箏早見排
前隊往例古北口提督統兵排陳於此
劍佩常欣接上台

折卜尊丹巴瑚土克圖再世來朝在張三營進見

詩以紀之

拉麻之號古未聞
番僧祕密開金源
八思巴與膽巴繼法王
玉印當時尊婆羅
能切唄多字諸國音韻通
喉脣三百年來

稍凌替後出猶說宗迦文
至廿四祖遺支分達摩傳法棲嵩

雲一花五葉在震旦其餘各散紀
載湮宗喀巴者亦無考後

有兩派傳其真額爾得尼在後藏
去聲如寶珠耀恒河濱達喇

更如清淨海莊嚴世界臨羌渾
兩支各住五印度其徒有四

領諸髡或名補答善變化倏忽來
去無留痕一喀爾喀住遼

左遙識王氣先來賓章嘉入居松
竹寺博涉外典兼皇墳三

藏五部有關佚 名詢陳說流泉奔
朱輪長轂駐複道時時

進 見蒙 殊恩折卜丹巴又其一
均以六度昭愚菴往年

涅槃入滅度瓶鉢何地招游魂
胡畢爾漢忽出世夙慧了了

通前身旃裘君長駭相告坐牀受
具驚羣番 聖朝威德讐

禁昧異教久已霑 深仁流沙萬里
不惜遠欲因秋獵朝

天闔惟時日在大火次講武初畢
旋六軍羽林虎衛千萬眾

朱旂碧罕捎彤雲熊羆麋鹿積大阜鵬鷁隼摩高曼四十
八旗悉踴躍紅黃二教交歡忻煌煌霞日交闈闈和南頂禮
申倦勤被以吉語同春溫賜茶賜坐復賜幣呀嚶舞蹈威
儀馴蒙古蕃長驚如神再來夙命超凡塵舉首競進排龜鼉
兜羅綿手摹弗諼鞠歷拜跪除囂誼稽諸往牒從未有異事
振古由昌辰白國先民伯翳記碧基陰羽周書陳簪毫載
記豈夸誕懷柔用紀垂千春

宛馬行

大宛天馬古未聞漢廷得此誇殊勳振鬣長鳴忽超越正似
鳴鶚摩風雲星精未墜太乙況每陋疲鴛屯千羣爾來
皇威闢月竈流沙萬里通球珉昂藏逸足亦隨至偉哉闐闔
開麒麟貢入天閑有餘羨奚官示我真殊倫不帶銀鞍并

玉勒牽出當軒皆動色竹披兩耳待騰空風入霜鬣輕絕磧
惟時朔吹漸凋騷知我戎裝隨警蹕豹尾龍蹄綵繚間正
賴神駒森八尺生平羞作儒生儂直控絲鞭跨腰脊期門震
櫜鼓隴嘲不獨幽州駭馬客卽今大狩輪臺東風毛雨血
千山同叢林密箐捕狐兔山崖邃壑驅羆熊番君塞主選驍
騎奔霄躡電來朝宗合圍是馬亦馳突欲與騏驎爭英雄方
今太平邊圉靖山林牛馬歸耕農奇材未用亦足樂年年出
入隨飛龍

孫通政虛船瀨行帳中啜茗和韻

南樓秋日短

典桓爲遼南樓地

斜照明爻間先生輟講幄余亦歸行

廬前峯儼如畫紅葉映遺墟綠崖泉幾曲澗澗鳴清渠羸瓶
挈易至敲火安松爐欲嘗雀舌味先聽羊腸車一酌塵俗遣

再飲腥羶除宛然在南屏幽興同樵漁悔昨乞鹿脯漫擬平

原書前日從先生乞鹿肉故云

蒙 賜綠蒲萄梨栗諸品恭紀

扈 蹕承 恩最盈筐拜 賜齊蒲萄榆塞北瓜瓠玉門

西磊落雕陵栗甘寒大谷梨味均金掌露退直更提攜

輓景孝廉雲客人龍

都亭上道感離羣死別誰知此日分秋榜姓名成鬼錄雲客

余所取寢門涕淚憶生墳見水筠牕人去生芻隔筠牕雲客

翠春深宿草曛不用招魂憑掌夢良常新築待雄文

歷脚星芒入夜垂返生何處覓秦醫求仙空習三尸訣雲客

能終夕琢句終傳五字詩異地飄零游蹟遠全家轉徙買山

遲雲客本籍真州一蕭蕭遺墨芸籤上余廿一史書籤腸斷

燈牕對酒時

送宋上舍瑞屏維藩由天津歸湖州

菰城山水冠天下石林評泊非虛稱煦鮮結汰聚靈氣勝流

輩出爭飛騰吾生結客遍西浙耆舊第一誇吳興場來京雒

才十載海珊彭明府化鶴歸崑崙蓮花莊空曉雲澹姚玉

芝樓圮秋苔凝茅湘惟餘石田胡編修老且病矮牋寫韻棲

林芳吾衰亦復嬾投贈閉門委巷寒如冰城南坊巷近百步

子嗟一見神明增新詞已逾紅錦段長句更作朱絃絙江風

海雨激牙齒珠槃玉敦輝有烝水晶宮闕秀絕處時向筆下

雲煙蒸懸知諸老徂謝後總持風雅推君能歸昌六翮炫光

采宜與鷓鷯齊騫升何為遍行不上究霧豹未得隨鯤鵬人

生遇合等劍映文章名節差堪矜骭髀寧甘作樓護勃窣要

在師張憑曾中雲夢吞八九肯與流俗同淄澠秋颺昨夜穿
吳繒朝來取別裁行滕秦川公子尚流宕梁園行客殊殘疏
大台小台接渤海登覽聊足誇惜昔故鄉煙景清更遠曷不
歸翦茹三層楓霜蕭蕭理釣罾葦雪漠漠開耕塍前賢文獻
待結集述作便可垂書牋所嗟傾蓋旋贈策紅亭上道愁難
勝跼伏暫同櫪下馬決起應似鞫間鷹名山著書他日就好
屬秋鴈傳溪藤

聞李貢生憲吉旦華之訃兼訊其尊人繹芻同年集

鴛水西風歎逝波長埋玉樹竟如何青蓮舊館荒蕪盡憲吉有詩

蓮館白石新詞感慨多憲吉近工詞塵劫三生終杳渺文章有詩

九命獨蹉跎落花詩識今真驗慘綠年華掣電過憲吉有落花二律最工

經歲文園疾未瘳誰知零落向山邱姓名無復填銀榜詞賦
偏教動玉樓早有高名傾李郭空存清咏敵曹劉九泉悵望
應難盡泣血何由慰白頭
文度頻看著膝前從真一逝最潸然顧况有哭子從真詩身非金石原
難料筆有詩書定可傳思子未須悲短命抱孫好為伴殘年
生平孔李知交舊苦憶閒門繫錦韉

題明莫廷韓小幅

灌木陰陰溽暑天溪亭雙槳綠楊船更題詩句真幽絕吟罷

涼生已是仙此畫作于壬寅仲夏蓋嘉靖二十一年也餘見余撰青浦詩傳中

年少翩翩重弁州詩書畫並見風流僅餘小幅藤箋在遺墨

何因問玉樓

題敬堂太僕所撫穉疇給諫六憶圖并序

穉疇先生少與金副使江聲共游處雍正庚戌在京
師時憶舊游乃繪六憶圖寄副使於古北口一湖堤
新柳一讀書吳山仁王寺樓江帆風景一巢湖煙水
一鑿江秋泛一雲林松靄山房一艮山門水竹之勝
後金氏不戒於火圖成灰燼而先生落藁時敬堂太
僕所摹猶有在者因裝潢藏弄金閣學雨叔牲既有
絕句以記顛末復屬余題其後因成此作

幽人擅幽懷例多山水玩留連惜知交瀟灑寄詞翰餘事畫
兼書晚行付禪觀心迹迴雙清豈復論婚宦自從前哲亡此
意誰與按先生清淨身微言師忍粲廿年客湖海偶作金闈
彥退朝掃精廬默數舊游讌宛同波斯王前塵耿未斷吳山
遠如環巢湖清似練鑿江夕照明柔櫓出葭菼更愛松靄中

竟泉落西澗城東亞竹居湖上垂楊岸前游墮莽蒼一一似
夢幻夙因留藏識故侶感零散殷勤六憶圖寄遠託江鴈境
清畫更清未許塵土溷重霄下六丁忽等焦桐爨不聞桓廚
化空作秦灰歎誰知過庭人臨樵上緇卷譬諸飛星淪遺影
在秋漢條條古性情湛然溢縹緗高齋啟巾箱合爪互吟讚
鑿楹守遺書漬淚捧留硯况此希世珍高標走俗諺行當貞
石鐫佐以寒香薦他時傳藝林定冠寶章選

題張農部懷月霽梅花疎影小冊

香塵寂歷背筠窗蹋壁孤吟興未降正是月昏雲薄夜招魂
端合倩銀釭

雪蕊苔枝韻自佳更憑疎影作同儕分明對月三人共勝似
吟朋伴竹齋

柳漁詩格有誰覘幸見吳綃入畫堪肯與仙源桃萬樹晴波影裏鬪春酣

破墨橫斜幾縷纖圍爐晏坐證香嚴落燈風與江樓笛穩護梨雲下翠簾

和尹相國 賜絢春園紀 恩之作

風煙里近樹交柯新 賜名園佳氣多勝地久聞同鄠杜清吟又見壓陰何琴樽重啟平津閣園為鄂文端公舊墅草樹遙霑太液波下直最欣衡宇接執經來往豈蹉跎余所寓瑞園正直絢春園南

輓董庶常東亭

惜別經年意不勝驚聞哀訃自蘭陵生涯寥落同齊贅詞格芳華近路丞吳郡書成青簡在時東亭方修常州府志新官賦就白雲凝玉堂一瞬華胥夢鄰笛西風更拊膺

柳汀觀稼圖為來殷尊人檀濬先生 桂芳 題五十四

韻

先生卜宅南城南澂江繞郭拖柔藍荒蹊屈曲如螺蚌絲楊疏地陰翕鬢水田十字遙差參歲收一鍾眾共耽土物不獨宜桑蠶熟梅時節雨似泔銜花乳燕聲呢喃黃麥初收盈石壘綠秧齊出分瑤簪此時墟巷邀丁男短衣挽脰新泥渰村歌四起聲微韻江鄉農樂足笑飲中有茅屋疑蒲庵經師斷齒誦孔聃耽思稽古披陳函帶索恒飫道味醇文場屢戰森鋒鏢未得王路馳征驂被褐懷玉貧自甘老去學稼供嘲吟劬躬燾後古所談譬諸栝栢生穹嶼吾友才氣如彪虺龍文百斛一擔擔校書東觀追衡譚文昌七宿光芒含下照墨海波泓涵索米歸養樂且湛華黍比雅真無慚捧來玉誥覆以

盒鸞綾縹軸 君恩覃世榮已愜詎更貪耕畚差喜安江
 潭少男風起春雲曇規南規北花醮醮齊民要術夙昔探督
 賴催種事頗諳畫作橫卷開芸蟬超然物外同劉惔輕衫小
 箠娛清酣兩鬢未覺霜珍珍豈藉弟子扶乘籃猗歟風景洵
 可矧嗟我夢寐懷林嵐一落人海行趨趨 紫宮視草當魁
 三自顧樗散終難堪思隱有若飢而憚逝將歸去依苔龕水
 汀煙塢紅杏愁相從好把長鑱鏝

題蔣湘帆蕪摹刻聖教序後

摹搨千年久損神慈恩空說重懷仁丁頭鼠尾爭傳寫誰識
 龍跳虎臥真

董文敏山水

淺綠柔藍夏漲時臨摹松雪更無疑如何畫舫尋山客渣染

紅衣作釣師

同曹來殷趙升之陸健男嚴東有沈雲椒初吳沖之
省欽 觀覺生寺大鐘聯句一百八韻

華鐘鎮祇園大可容萬斛德倭佛成祖營役徒少帥督來地

隨毫社移運歷秦灰速升討秋攄奇懷趁日訪往躅沖車遲

曾城阿寺聳大道曲東有豐碑蛟螭蟠巍座龍象蹴雲威神屏

方良怪偉圖忽儵健男周遭庖廚錯立栝松榭升駮薛鋪城

階倒茄麗楊楸東有流鈴曼郎當法鼓震塗毒德繡繒內家旛

琳笈中禁軸健男幽響飄迦陵妙香散薦耨雲適然靈院間屹

爾崇樓轟沖之鼇柱擎坤維鴈堂仿乾竺來風樞呀差參露棋

盤歷祿東上枕腰彎環緣壁脚子健男蟻穿窳以深螺旋往

而復雲越越筍虞橫帖帖蒲牢伏德辨名殊重脣取象肖大

腹升其圍四尋餘厥徑三仞足來頂為孟體圓身作鏡光煜

冲重八千衡羸高十六尺縮東積石容廩困量祛越方幅雲

排纒饗餐蹲介篆虹蜺束來昂俄夔首撐瑣碎虬紋簇德哆

張陋釜驚峙立雄煎鬻冲有銑復有鉦非錚并非錫升中懸

廬象穹下覆室成窳健男熊熊景常歛黝黝色轉沃德煙焜湧

帝青縹繞暈官綠東有含霜九芒寒炫日五彩昱升鋒棱沙畫

錐縵理錦交縟來重為遶匝行共作迴環讀健男華嚴繙寶函

般若譯珠櫝雲椒品經貝葉傳真偈蓮花續冲體變盧佉文語

想釋迦囑德前蠡紐危自垂鯨桴怒相觸來雷音走隆隆颯韻

迴謾謾雲椒應大昭小鳴中左羽右繅冲豈立號立橫乃滿坑

滿谷升曰動氣必宣維空聲斯蓄健男警宵分雞籌報午閒魚

粥東旅魂感恫惶山鬼拜踉跄德甫大地方震醒諸天正清穆

來聲聞豁塵襟喟息稽故牘東主鬯藐辱孫操女恣悍叔健

方息龍爭事忽符燕啄升腹心寄齊黃羽翼翦代蜀雲葛

藟升根椒聊使盈匆冲之啟疆假以權睨器求所欲東連營

諸將虎入幕一翁秃升識誇瓦墮空計詭壁藏復健男飛颺鞬

脫鷹跳突原走鹿雲椒歌風北方強占繇南國感來臨江勢已

成割地議空瀆德甫國門誼征輦陵闕閃戰燾冲之宮中傳披緇

殿上儼受錄東有周公輔誰欺和尚誤難贖來紀年付草除鈎

黨窮訊鞠冲之著緋表刃趨要經投筆哭雲椒詔呼冤哉烹狼藉

弱之肉升株連榜姓名羅織籍家族健男雨仗修羅宮列鋸波

吒獄德甫孰雪重泉冤莫逃一字恧雲椒魯弓假不歸周鼎遷重

卜來鑄鐵悔六州貢金來九牧升象功愧和平懺禍懲殺戮

東大慈見應噴宏願持頗篤冲濁劫經刀兵道場會水陸德甫

考功庀爾材將作勅其屬健男銅調牝牡蘇火扇文武制

器僅工能揮毫學士獨雲椒一磔復一波三薰夏三沐來幅整

資臨摹環圓試鏤鑿東搏泥外渾淪化蠟中滲漉健男封冶長

庚監開鑪太乙矚德南瀉液凝碧煙騰輝燦朱旭升咒鱗降蜿

蜒剖蚌繫殼來般審音析毫釐中度辨黍粟德南雄梁高引緮

飛架圓轉雲椒大衆歡贊揚羣靈駭馳逐升漫將毅魄招直

使陰魔服東有解脫驅三災祈求迓百福冲之是為有漏因詎稱

無疆祝健男元言闡徒勞黑業種已宿雲椒縱依淨土安終俾吉

金辱升疚心積孽多彈指流光促東有沈埋痛瓜蔓倉卒報榆

木健男十朝舊物貽萬壽崇基築明代是鐘本貯大內後移漢

西直門外移鐘于寺日俾六僧擊之經賜出從紫閣移來近蒼

麓冲之聽周釋界干撞選僧彌六德南遷徙隨禪緣廢興易世局

東鴛舍藏至今虎分禁自夙天啟中有言寺在帝里白虎分

游覽志升之啞廢堆泥沙僵眠蔽樸冲椒之剝蝕更曉昏埋淪閱涼

煥雲椒摩苔過客憐擲礫游童撲健男代已變滄桑物仍寄輦轂

德南流傳四丁訛燕邸紀聞云是鐘鑄造及徙置萬壽寺年月

氏之呵護六甲肅來般景運逢轉輪昌時協調燭健男開濟周人

天秉持徧道俗德南選勝闢化城棲真傍靈囿雲椒挽以干馬車

見法苑珠林貯之萬鱗屋來般奏殊手雍叢陳比房序玉升帝

臨星罕移聖作奎章爍冲之正覺發顛蒙多生遂熙育東

水源功德滋雲氣吉祥郁來般毋愴憑弔情且暢登臨目升新

詩感物鳴用補春明錄德南

為慶侍衛晴村霖題畫

豁訝蒼厂橫杳靄寒霏積春雨化春泉下灑重苔碧旁有之

而鱗盤拏勢千尺撫膝偃松陰蕭然脫巾幘生平澹蕩心晏
坐息塵役君本蘭錡家仕宦笑執戟雪銷 禁苑晴月澹香
山夕侍從足游觀豈戀一卷石應以竹帛勲謝茲煙水適不
聞安陽叟築堂羨醉白

晉公午橋莊衛公平泉記巖崖疊玲瓏花木森蔽蒂類皆娛
優閒藉以樂幽邃我師宰璣衡憂勞抒國計七葉雖蟬聯一
畝謝塗墍此景何處來泉林頗幽異得毋賦子虛聊用寄高
致

君從江南來衣帶江南雨至今圖畫閒宛似春江渚煙嵐上
幽襟松竹映芳墅想君倬直餘清夢在雲樹我亦蕭澹人家
鄉接淞浦此圖此景中夙昔曾游處何時共嚶鳴良辰歌有
冀

臘月八日侍直闈福寺作

嘉平月始臨蜡臘時當屆

皇情眷豫游寶地此云邁相

傳浴佛辰爰涉蓮華界丹禁布崇基黃衣別分派

寺為黃教喇嘛所居

積雪麗旛幢寒飈激梵唄寧嫌朔凍嚴最喜初暘藹合殿聞

慧香深林起虛籟八葉驗瑞蕝五味飫芳菜璣衡星迴躔簪

筴占近泰

是月十六日立春

何幸 紫宸朝簪毫預

恩賚

歲暮 賜魚雉鹿兔果品恭紀

臘祭行將舉

天廚已早頒江魚冰鬣壯山雉錦翎斑珍合

殊方產

思深內殿班

惟乾清門侍衛軍機房章

撤

來供晚膳歡喜溢慈顏

隨 蹕啟行三絕

明霞一縷上樓臺第四籌中

輦路開父老不須頻灑掃昨

宵雪已淨塵埃

敬念

衣冠月出游兩年分次展松楸推

恩先

看膳黃挂給復蠲租徧近州

每年謁過地方悉加蠲免

陸經

垂楊垂柳映郊原婦稚相攜笑語誼共炷沈檀迎玉輦香

風吹徧杏花村

塗中口號

蒼厓翠壁盡龍虬荷橐還同物外游緣是萬松青不了青峯寺外又青溝

山徑螺旋曲曲通沙平草軟試青驄一鞭遙指南臺寺正在浮藍暖翠中

峯頭樹頂雪全消急瀑琤琮響自遙山意似嫌春色澹數株紅杏出香寮

松杉一徑靜無塵雲笈珠林總淨因知是法門原不二辨才何必論全真

入盤山

地是田疇宅人傳李愿居喬松千萬樹蒼翠接巖輿鳥語風初暖泉鳴凍已舒天香知路近香氣滿清虛

千相寺

圓通在聞思究竟絕行相云何寶刹名舉象令瞻仰象行且以千糾紛恐難狀不知千卽一妙義本同量至人肅春巡濃露滴青嶂綠葉互參差碧雲更清曠悟此非無色莊嚴儼相向星斗天宮尊波濤雲海壯兼雨曼陀羅隨風任飄颺乃知空不空法界實宏暢禮罷出珠林西風送梵唱經天成天香諸寺有感

野店荆爲壁山樓石作梯經聲松磳北幙影竹壇西絕頂高
鯨甲名鯨甲一寒蕪襯馬蹄謝公游賞地詩句忍重題夢文子先
生舊有盤山諸詩最佳

水月禪林

本是烟霞徑云何水月名石孤疑獸立湍急亂禽鳴寺向山
坳轉人從樹杪行童眞應住此香海有同情

李靖舞劍臺歌

韓擒宅相非常流孫吳兵法王佐儔南平蕭銑定江漢北伐
頡利清邊陲西吐谷渾又奔竄信以勲業昭神州從征高麗
詔不許安得挾策爲東游高臺峩峩一千仞傳有靈蹟當中
邱藥師生平未曾到此臺傳說無因繇我念其人本倜募入
關有意干諸侯手攜紅粉獨夜出大索十日方窮搜目瞋語

難誰可託避世不惜來并幽東西相隔路殊遠太行北去尋
田疇曼胡短後行聞道毛錐已棄攜純鉤風塵僅有三尺仗
道路安得千金求攬身拔鞘白日動奮袂斫地青雲愁十盪
十決意氣壯再接再厲神明適矜奇固已重薛燭妙術儻是
傳莊周瀏灘竟作渾脫舞莫辨左右旋而抽迄今林木尙振
厲有似雷雨翻蛟虬鐵山賜豕已頽廢勝事乃復垂千秋方
今 聖武被遐裔西極月竈輸珙球龍韜豹畧尙姑置還
戢弓矢橐戈矛常山爲帶渤海繞安用突鬢兼蓬頭我見虎
賁亦脫劍望古長嘯風颼颼歌終日暮霞采上疑有星光貝
氣空中浮

喜李南澗

文藻過訪

喜聞屐齒到唐塗捉麈清談忘日晡捐俸祇希書到手寫經

不惜汗霑膚君來寓中手抄惠氏明堂大道錄勝流共許豐年玉朗鑒真同
照夜珠觸熱豈堪行萬里秋風取次動高梧

再過文莊公舊第

地是平津閣人推履道坊蒼藤秋落子青果晚含漿宅中藤花蒲萄
最絳帳終蕭瑟沙堤漸渺茫何堪筮馬策更憶讀書堂

悼亡十二首為芸書作名湘姓陸氏九歲來余家善事錢太夫人事余生一女病

起

宿火殘香掩舊扉海山何處叩音徽青槐樹底深深屋誰料
西風捲素幃

罷繡苓牀月似銀天寥詩卷最清新如今真似秦齋怨碧簾

寒香鎖病身芸書畧能識字愛誦葉天寥秦齋怨及湯卿謀湘中草不知遂為今日懣也

數椽精舍對花開時看花前點屐來秋菊滿庭秋草碧折花

無復踏蒼苔

授記分明似玉耶筆牀鍼管稱宜家誰知一掬萱幃淚又灑

湘屏頃刻花

如幻如塵已十秋曇花零落付寒流傷神最是平陽小軟白

衣衫拜蕙疇

烏啼珠斗夜闌干蕙帳蕭蕭掩玉棺悵望薔薇花外路一燈

如豆隔牕寒

買花掃塔證人天暫結三生未了緣一卷金經珠髻畔慈光

願似鏡光圓斂時以小本金剛經及菱花鏡安置其旁

切利良緣未有期見分功德論橫牕梅影費相思見窈風暄冰淨

真難狀誰省楊雲絕妙詞見震川集王氏畫贊

紙閣蘆簾絕點埃天寒翠袖獨徘徊開箱簇蝶裙猶在疊雪

香羅惜翦裁

上直瑤階日影遲偶翻石墨淚如絲那知腸斷鷓鴣波帖已是

秋牕永訣時是日因神觀向清襟被入直會直廬有三希堂帖信手繙得趙松雪書一冊內皆為管仲姬懇

中峯大師作普度法事閱其情詞懇至愴恨久之詎知芸書即于是時化去豈神明已先告耶

羅帳春寒擁翠釭思家話舊意難降斷魂休作還鄉計路隔

長河又隔江芸書臥病時屢有還家之志故云

金蟾鬻鎖對斜曛寂寞簾櫳響不聞可是童初宮闕裏雲軒

隨侍魏城君謂鄒孺人也

中秋前二日夜雨

瑟瑟秋中雨幢幢夜半燈聲兼殘葉下影與落花凝夢似初

昏月魂如欲斷冰此中蕭寂味已是住山僧

屋鼠飢還響秋蚤冷不啼可堪人寂寂更聽雨淒淒亂竹捎

簷重濃雲覆戶低斷行今夕鴈何處覓雙棲

中秋有感

明河秋淨不勝涼露滿虛簾月滿廊清淚至今無可滴背燈

淒咽似寒螿

已是臨秋不耐秋更逢三五月當樓冰娥莫現團團影只替

方諸作淚流

侍娘收拾紅妝粉小婢新裁白練裙縱使西風吹短夢夢中

相見亦如雲

校獵秋山萬騎鳴論文瑣院一燈明移家幾載京華住人月

何時得共清余以戊寅入都已卯庚辰壬午分校鄉闈癸未甲申乙酉從獵木蘭中秋在家惟辛酉及今歲

清宵無復共嬋娟香霧雲鬢望渺然縱使已成奔月去也愁

風露冷瑤天

蠨蛸罨戶晚沈沈窮子迷家淚滿襟母老家貧兼女幼不知

何處覓安心

李後主悼亡詩空王應念我窮子更迷家

雨效李義山

已訝崇朝合仍教入夜聞灑分湘女淚行伴楚神雲隔竹彈

荷蓋粘花濕蘚紋謝孃衫袖潤小閣薦鑪熏

十六日曉徵升之諸君招飲醉歸有作

碧海青天恨正長相隨舊雨促行觴已悲取冷同荀粲終賴

銷愁對杜康璧月未虧前夜影金飈漸似暮秋涼不辭投轄

從轟飲好向華胥覓睡鄉

送邵中允蔚田

嗣宗

乞假歸太倉卽題其垂綸圖小

幘

槐街秋暑繁未覺秋風冷何為澹岩人先已謝朝請知君十

載來幽思江湖迴撫絃愛吟月論詩慕思穎不待蓴絲長早

擬放煙艇

家近桃源涇桑麻散邱墅雖無嵐翠濃雅作煙波主長歌歸

去來日逐樵青侶宛如偶海翁幽居署江雨軟紅十丈塵何

由拂巾屨

賀下不賀上昔賢有遺則不見兩文忠辭榮耿宵臆廬陵終

未歸陽羨竟何及喜君脫朝簪荷衣已先緝拏舟謝古人臥

聽蘆中笛

香餌非可求直鉤本無用難進而易退此誼古所重矧君擅

三長椽筆活鸞鳳考史搜志傳

君向充續文獻通考館纂修故云

聲詩協雅

頌報國有文章漁父已可誦

憶昔佳月時煎茶共試院披襟作槃譚永夜風燈眩紅亭忽
分袂夢逐歸帆便此行世所稀高情照江甸應有好事人繪
畫滿團扇

重九前三日以菊酒送升之兼侑以詩

殘秋似早秋連晨剩微燠昨宵雪雨過始覺秋意足令節近
重陽應共展遐矚登高苦無緣迹比駒局促西山修眉長堪
笑熱官熟先生中書君退朝等休沐燈火晚青熒何以佐夜
讀聊分長瓶酒兼致瓦盆菊菊早尙含苞滄酒亦新漉殷勤
贈石交臭味取清馥想當掩關暇采采定盈掬舉杯一中之
企脚北窗宿醉餘有微吟示我尙能續

重九陶然亭小集

秋寒漸緊秋陰薄滿地秋蕪雲漠漠城南煙水欲生鱗風颭

蘆花如雪作先生退直無所之得得隨行且行樂斜日橫堤
正莽蒼荒灣斷靄空寥廓黑窰厰北有招提殿角郎當振疎
鐸驅車一徑上陂陀古寺層梯得珠閣東華已少軟紅飛西
嶺遙看眉翠約意行攔入酒人場聊爾銜杯共醕酌裸國羣
游未足誇老兵呼飲何須怍坐中忽致兩明童宛轉清商間
絃索絲竹中年感慨多煙霜晚景情懷惡歌殘紅豆已萋迷
泪掩青衫還寂寞歸路相隨古樹鴉寒更愁聽巖城柝生涯
何處覓陶然獨臥蕭齋燈燼落

查同知恂叔

禮

招坤一魚門康古升之健男來殷鑑

南諸君集澹安廬看菊分得五言古詩卽仿坤一體
霜晴秋日暖壓擔霜花腴招邀作重九賞玩齊賢愚幽華似
高人可敬不可娛有酒雖如澠肯與俗士俱今夕信良會寒

繁照繩樞剡藤白於雪灑掃十笏廬繞廊百本花瘦絕真吾
徒人已澹如菊花影爭扶疎間以曲室語一妙貫珠惜君
美雨膳未稱山澤癯請借劍南詩為花洗煩紆從今斷火食

飲水緇仙書

末二句放翁梅花詩也

宋謝文節公橋亭卜卦硯為恂叔作

歙溪一片寒於鐵傳自弋陽謝文節其修一尺廣僅半正氣
稜稜迴不滅上有題識字云是橋亭卜卦時所置旁有銘語

鐫云是窮餓不食守義賢

硯旁鐫程文海銘云此石吾友也

石堅誰似當年採嗚呼謝公風節真雷碩上書傳檄何堂堂
薇不食守義賢也

提攜此硯閱寒暑哀哉宋社仍滄桑團湖坪前鼓不起飄泊
垂簾建陽市海陵風信溯江潮天意寧容論卜筮想當變名
姓遁迹茶板間蟾蜍亦淚滴相對含辛酸乾坤否泰未可轉

明夷獨自貞艱難石田可耕等採蕨頑民誓同此石頭何人

創議徵遺士飴甥廝養今誰是江南豈復有人材草屨麻衣

欠一死攢官拜哭秋草珍木波禮謁同朝參指南有願竟未

遂翻幸此硯留天南靈旂歸來風雨怒十丈崩濤夜奔鷺蛟

螭拏攫鬼神扶洗濯良材出煙霧

硯左有趙元題字云明承

易為先生祠

何年輾轉來燕陲月東畸人欣得之星芒壓脚

贈石友什襲珍重伴槃彝

硯近為津門周上舍月東所得寶

酒闌眎客誰敢把古色蒼然照杯斝清墨應揮思

肯蘭臨池肯寫鷗波馬曹娥碑下塵冥冥重吟采石悲零丁

雲根瘦削堪千古如見西山疊疊青

宋劉如村紀謝公詩有

載西山疊疊青之句蓋公於與國軍安置時因謫所
西山層疊自號疊山故也見元李道源謝公神道碑

題坤一墨菊

春風堂集卷九
紛紜互高低漠漠亂前後藤牋二丈餘墨瀋淋漓走摩抄儼
幽香感歎不容口微霜吹東籬象外本難取模劂月印牆宛
轉燈移牖稍足見天真落墨率已醜惟君契忘言筆下淨塵
垢疑有楚騷魂揮灑動跟肘我聞彭澤翁采掇盈座右無人
送酒來寂寞作重九今君拓筠窗文几列尊卣招邀高陽侶
槃餐等翦韭妙作炙轂談快瀉新蕩酒對花更寫花清絕兩
無偶宛如煙霜中遇此眠雲叟持螯尙嫌粗肉食更何有差
許無絃琴寥蕭日相守此間形影神妙意孰能剖未審會中
人多似柴桑否我詩愧木桃詎可望瓊玖幸值秋殘時楓杉
集雅舅叢叢小金鈴依然發蕙畝擬呼冰雪期涼夜覆大斗
再斲拂蚬蛤佳約幸無負

十月校武進士於

西苑侍直恭紀

禁籞掄材馬步同 紫光高閣敞晴空雲開袞鄂丹青壯日
映蕭曹劍佩雄百丈毬場弓似月八旂羽衛氣如虹生平枉
負終軍志未及西陲戡武功

時畫平定準夷回部諸將帥像首輔第一

送來殷給假南歸

冰雪將殘暑風沙薄策車頻年依 禁闕此日指鄉閭入舍
親溫清登堂問起居喜同諸弟子安穩昇籃輿

聞說長洲老年年笑口開尋山仍命權話雨更銜杯物論尊
耆宿時名接斗魁計過通德里納屨共徘徊

兼訊歸愚先生

屈指知交久論心氣誼投聲名稱二鳥著述命千秋小別仍

悽惻重來待唱酬征途豈岑寂李郭正同舟

時與趙少鈍乘淵同舟

四九年光盡三千驛路遲去應霜滿鬢到及柳垂絲北郭欣

攜手

謂鳳喙企晉

南陔樂介眉獨憐羈宦客上冢更何時

題趙雲松耘菘圖卽送之鎮安守任

庾郎鮭菜二十七獨好春韭遺秋菘豈知霜根味佳絕綠葵
紫蓼難爲工算緡雖堪鄙王爽佐饌正足資周鼎郇公食單
但肥膩未省玉糝逾燔熊我生夙具藜藿腹畦稜喜見抽新
叢藿鹽百甕債未畢花臺手摘香蔬豐何期邠卿有同好學
圃思趁晴泥融家鄉回憶環堵官梅坪竹塢地數弓白鷗三
兩忽飛下石牀曉坐冷然風鳴簷疎雨昨夜過坼甲出土青
茸茸傾筐無煩送園叟分種贖欲求鄰翁翰林主人本蕭寂
灌溉差足催連筒今君擁傳百蠻裏虞衡桂海物產充釣絲
竹搖嫋嫋細燕支木染斑斑紅蕞荷諸芋備採擷官廚豈復
呼鞠窮獨憐餞行近餞歲寒菹臘菜徂殘冬元修戲語定何
日展卷不覺心憂忡願君推此勤劬農青榆一樹百本葱民
間豈可有此色制令當與蒲亭同任棠拔薤安足法慎勿束
濕驚愚蒙

莊滋圃先生 有恭 以福橘見貽有作

嘉期來南海開緘奉北堂傾筐珍滿席濺齒潤甘漿公紀懷
堪慰靈均頌可忘咳蘭慚未採臘酒喜同嘗

送朱子穎 孝純 復任東川同知

信美西川尹羣推北地賢甘棠春聽訟香稻曉行田輿誦巴
人曲郵程楚客船閒官風味好須報故交傳 君詩有官卑須
報故人書之句

故云

小除夕追悼芸書

西風吹雪暮紛紛死別經時歲又分竊藥已知隨月姊採蘋
何處薦湘君重帷燈火疑留影小閣香煙欲化雲腸斷去年

中酒夜墜釵聲向隔簾闌

為巖明府海珊 遂成題畫冊

茅屋明殘雪杉林帶晚烟山僧除夕近催送佛燈錢
雲深燕子龕雪霽蓮華界松影滿幽窗月向東峯挂
嶺斷寒村見林枯宿鳥稀溪邊藥若侶兩兩扣柴扉
朝霞映石林秋水通江步一逕落松花清香浥巾屨
寒扉紅樹裏清磬碧雲間石逕無人到幽禽自往還
清曉楚山寒殘僧尙孤坐微聞蹋葉聲遙識磨廢過
藥嶼條條水蘋窗冉冉風似攜竹葉酒來對菊花叢
村煙竹外生漁遂蘆中響渡口小船橫知是秋潮上

楊芬港卽事

雨後春潮漲綠波別開花港似銀河層層臺榭聞絃管處處

香燈映綺羅才子試歸分橐筆

時召試
獻賦諸生

侍臣退食共鳴珂

昇平韻事天然勝弁入明良喜起多

望水西莊追悼查心穀先生

為仁

北郭人何在西莊雪昨晴春雲連 禁籞野水上柴荆時命

誰能料文章晚得名十年成宿草悵望不勝情

早歲功名薄中年樂事豐臥游牀上下把釣水西東花藥三

間屋

謂其弟
梅叔

圖書一畝宮試茶兼鬪酒料理有明童

更有蘭闈伴齊眉復比肩山林耽韻事風雅作因緣獨坐聞

吳詠分題擘蜀箋芸書閣今已圯人望想神仙

盤敦聲名久舟車雅集多青燈畱客住

謂杭大宗
鵬趙飲谷諸君

白氈

喜僧過上月旦歸前夢風流付逝波少微星隕處誰念碩

人邁

題錢方壺先生 桂發 歲寒三友圖 曉徵

日暖南枝破紅萼蒼雪紛紛捲疎籜鱗鬣之而五粒松秋濤

風鼓殷千壑歲寒三友古所稱畫評最數黃華作 黃庭筠有歲寒三友

豈知異代有同規冰雪襟期謝炎灼家園本近練祁湖碧

浪激如上下箬五畝田收秔稻豐數椽屋老藤羅絡井里羣

推王彥方詞章雅重唐文若桃李新陰在鯉庭楂梨嘉譽傳

芸閣去年襍被來京華行李蕭然縛雙屨閒尋古寺肆夷猶

小覓鄉朋共嗚噓入舍方欣愛日長趣途肯負還山約耦耕

命駕事西疇隱几忘形等南郭風絮閒門掃綠楊粉香小圃

圍紅藥非無翠茗舞迴碕亦有青棠倚疎箔先生素尚獨孤

清臭味差池遠叢薄水邊竹下愜幽尋臘尾春頭高寄託昔

帽枯筇得得來未厭年光尙蕭索梅花似玉映微霜冷蕊疎

枝全戍削竹窠如蠶趁長颺亂葉交柯爭拂掠蒼髯老叟更

輪困元氣淋漓走龍護命侶真疑一笑同論心欲證千金諾

結隱情懷冷似鷗耐寒標格清於鶴我昔拏舟拜德公白板

雙扉遠塵漠耘鋤漁樵半橫斜史籙書箱互參錯酒兌餘杭

清醞醇茶分洞芥寒泉瀾不須符子王一邱已見榮期獲三

樂今觀此冊倍蕭森畫法居然妙皴皴樂志從知擅後彫放

懷信足忘豐爵躡屐寒披巖子裘提壺晚就陶公酌儻容撰

杖比奚童相隨欲試游春脚

題山陰閨秀駱琴風繡餘學吟 本姓胡名慎儀

秋河庭院蔚藍天甲帳羅襦駐鳳駟糸曲紋窗清似水玉鳧

香膩擘瑤箋 苧蘿濃翠接眉稜門第清華本駱丞梅嶺煙霞珠浦月江山

點染入溪藤

先是從其尊人幕游越中江右

綠淨流傳絕妙詞

許德音

西冷才藻藝林知

方芷齋

南樓近刻茗

華玉

徐若冰

大雅扶輪屬總持

不將檀畫鬪濃妝經卷書籤滿石牀退直歸來同寫韻分明

仙侶是劉綱

題蔣甥瑞應

雲師

夜詠圖

龍門百尺桐渭川千畝竹引露既亭亭含風更肅肅移根入
邱園並植近林麓譬如隱君子攜手結遐躅迴塘清且寒芳
草萋以綠逢秋漸蕭森入夜轉幽獨惟應澹蕩人清坐理篇
牘吾甥靜者流麗采照南服昨來試春官龍文扛百斛方當
躋天衢豈復戀家塾何爲尺幅中雲嵐互迴復彷彿玉屏山
江鄉連滬瀆看竹寄高懷據梧邁凡俗懸知行藥餘

燈讀爐煙寒更颺茶響晚漸熟涼宵風露深微詠尙未足頗
憂童子癡屏風定誤觸子才姬師川吾衰甚山谷少游翰墨
場已類蟲蠹木敢誇老識塗差喜光炳燭寓齋近城南槐樹
覆高屋久擁百城書愧彼八州督却逢長夏時退直便沐浴
行將持一卷相與度三伏春容待叩筵討論妙炙轂如希枕
膝傳微言猶可錄

晚至熱河

路是三义舊人經四度來桑麻增鴈戶烽火絕龍堆雨霽河
流闊雲高晚色開今宵欣卽次好與酌村醅

七月二十九日爲芸書忌日蓋謝世已經年矣風雨

感懷因作五絕

孤館蛩聲夜夜添紵衫涼透晚風尖半牀殘燭千行淚恰伴

愁霖下草簷

欲擷蘋花薦楚筵京華回首隔蒼煙遠行上直離家慣薄倖

今年似去年

頻年別淚滴羅衣盼我龍沙一騎歸此日秋山千萬疊香魂

何路望金微

寥落秋光逢小建淒清夜色報初涼夢中忽到青苔院芸葉

香塵滿簟牀

時所居已為藏書所

玉露銀河閏早秋穿鍼人去冷香篝斷腸風景今年甚兩度

銷魂乞巧樓

時閏七月

閏七夕

再度穿鍼節雙星望儼然歡仍留卜夜別不待經年玉塞人
千里銀河月一弦高樓瓜果會惆悵碧雲天

興州客舍臥病無聊因憶袁中郎云天下聲至清者
惟蛩聲雨聲茶鑪聲耳今秋多雨蛩聲達旦而奚童
供茗至午夜始絕火歆枕獨聽差足破寂乃各系以
詩

窮塞抱微疴清秋軫暮節孤鴈尙未來寒蟬已先絕誰同伴
沈寥砌蛩最蕭屑臨風忽纏綿隔雨倍悽切知我苦悲秋微
緒無人說幽幽訴棲遲耿耿話離別似彈獨繭絲三歎心如
結轉恐微霜零清宵漸鳴咽

蛩聲

鍾峯落秋泉其味寒且硬攜來瓦鼎烹松風動孤聽潺湲杳

莫窮颯杳仍難竟稍聞羊腸迴已覺蟹眼迸故人況好事苦

茗屢移贈

倪閣學敬堂以龍井茶相饋

小甃破微寒餘香入清詠石炭火

未殘竹鑪煙欲冷我方契聞思不礙禪心定

茶鑪聲

秋雲起松巖秋雨下苔石疎疎濕牆腰劉劉墜簷脊似同敗
葉鳴迴使寒更隔灑簾密復疎入戶斷仍滴晨雞咽未啼秋
蛩亂還積孤衾生薄寒夢醒愁難釋遙想鳳城南虛堂掩離
夕孤燭話巴山西窗耿淒憶

雨聲

十二日夜

颯颯風初勁娟娟月漸盈山深湘簟冷夜久藥煙清村犬隔
雲吠秋蛩泄露鳴不眠聽曙鼓誰識此時情

噶顏哈達

噶顏蒙古語謂古戰場哈達山也

哈達鑣天翠傳聞古戰場山形俱拗怒雲氣尙飛揚世遠鯨
鯢絕林深虎豹藏封尸何處弔京觀久蒼茫

重經雙黃寺

疎豁

行宮地重來恰五更山雲寒更薄秋月曉還明隔塢

人煙遠依牆戍火明紅闌臨石澗永夜響琮琤

二十六日永安拜口曉行

殘月低羶帳清霜凍馬羈嶺紅昨放燒

圍中八月盡草枯遺火所燒光燄經宿不

息俗謂之放荒

嵐白曉炊煙路入圍場近

永安拜口至鄂爾吉庫哈達僅十一里

旗分

獵陣圓唯聞九曲水嗚咽似秦川

九松山

一點青螺小傳聞名九松長風吹落翠遙映碧芙蓉仄徑透
迤度寒流宛轉通下山山寺近數折亞牆紅

爲瑞應悼亡

頻年慣作悼亡詞淚灑瑤琴獨繭絲忽見羊曇傳怨句江南
又度落花時

長紅小綠拂秋千漸近清明冷食天十七年來如夢裏風吹

笙鶴送雲軒

芳香明鏡定何如無復秦嘉上計書苦憶瑤華相別處涼風
庭院菊花初

誅茅卜宅計纔成畫裏移家喜共行誰料竟成歌哭地辛夷
如雪撲簾旌

牽蘿舊事淚霑巾紙閣蘆簾冷簟塵記取贈錢營奠日辛勤
莫忘斷機人

哭張策時一百韻

夙因如飄花往事似轉轂俄看執友亡彌悼浮生促七日奚
由蘇百身詎能贖惟君生瀛壖靈德氣所蓄輪囷鬪肝膽爽
颯露眉目百尺龍門桐孤生泰山竹丰規冰含稜意氣矢厲
鏃絞直紹杜根俳諧陋袁淑大欠風才調雄譚景濤沃文披

錦十緜詩瀉璣干斛倚聲仿碧山演雅記華谷羣誇跡弛才
造物使自獨聲華二十春青衫蹇場屋頗同厄閨楊誰重荒
年穀四壁空長卿一錢窘元叔繩樞翳蓬蒿黔突斷醴粥俛
首趨庠鬢低眉課門塾甘從櫟社樗肯乞監河粟饒或市豬
肝脹豈畏羊肉枯鱗涸蛟螭逸轡蹶駟驟孰容運海鵬坐繫
摩天鷁聲因不平鳴事以有感觸淒鏘伯玉琴蕭瑟漸離筑
擲唱呼景盧飛籌倒醴醪釣思巨壑鼇抱厭故山犢攫身辭
東吳放脚走南服花穠蘇公堤瀧濺嚴子麓白鷺凌秋濤金
鷄眩晨旭楞嚴登巍壇君有楞嚴壇長歌甚奇偉桐柏瞰祕籙靈湫乖龍
都古蕩羣鴈族勝踐開心胷清游解顰颺終如豕負塗未見
鴻漸陸前年登鄉科昨歲始朝祿橐筆依編扉校書整衣襍
吟成四座驚文出萬人伏論事稍軒昂檢身益拳跼薄宦謀

藿鹽冷官混聿牘空憐蟻銜羶自歎蠶綴蔕憂終能傷神性
 况輒忤俗懸牆影驚蛇入座賦傷鵬藥無仙島芝餌乏秋潭
 菊冉冉芳膏煎悠悠年歲感我惟古誼士執雉等圭玉取茲
 耿介性可殺不可辱捐生全其仁致命遂所欲崢嶸方寸間
 獨行砥庸碌末流多澳忍一生徇禍福闔然學媚世蝸角等
 出縮豈知伯始徒糞土為世侈嗟余本畸人矯志刮諂瀆締
 交遍江湖涕唾眎時局與君契忘形龍象並踏蹴氣協磁聯
 鍼聲諧園應祝好修集芳菲植行勵澡浴道古誓激昂研經
 恣往復吟場操敦槃文戰擁旌纛蚤歷爭負趨夔蛇喜追逐
 野寒聆宵霖君寓吳氏遂初園最久巖響攬飛瀑乙亥君讀書寒山別墅雨刷山
 眉青春回湖面綠嶼風芟擢香榦雪梅破馥豪胃吞八九勝
 侶締五六謂企晉鳳階來松溪並榜行桂館翦燈宿拍肩笑

之而連臂互彳亍曹騰醉更醒跌宕歌兼哭哉合色每飛睽
 孤意逾篤馳訊罕虛旬寓書定盈幅响沫輒相存箴規尙交
 勗歲憶在敦牂我方忝校錄仰觀五緯星俯眺萬枝燭拆卷
 唱君名滿堂喜驚爆惟時文莊公踐斗莅鼎軸清標激廉頑
 厚德幹亭毒辟如攻玉工伐山採精璞後堂引彭宣前席奉
 吳育自從乘騏驎神道拱宰木今君游清都庶往躡仙躅金
 液問方平玉樓叩羅郁管鳳升高旻騎鯨謝昏黷矧自來京
 華聞已學乾竺閻浮等塵沙賢刼比眇胸覺空從此超滅景
 安所牯習氣斷瀑流幻軀釋桎梏所悲同岑人鮫珠瀉盈掬
 念我初別君新秋掃潤溲園中隨和鸞塞上待卽鹿初訝稀
 書函再問困牀褥維摩疾偶嬰羅什咒堪祝何期匿膏肓遽
 致啟手足脈真驗薪然候果應禾熟豈因兩鬢華遂致一棺

東魂從厲神占數昧季主卜大招陳餒餒小斂具湯沐官同
殘夢短壽比浮漚速志寧遂艦尊祭已奠魚菽家慈健婦持
書付嬌女讀受弔之傲廬歸衰刺破箴透迤水堦遙颯沓霜
飈肅酸辛遍親朋哽塞逮僮僕牙絃輟孤聆郢聖想同勵告
哀不成章聊以訴衷曲

瀛臺觀冰嬉

元冥應節陰始凝液池百頃初含凌水晶宮闕銀世界琉璃
影徹光層層頻年歲暮習勁旅測量先 命遣疑丞雞人
待漏報將曉霞霏隱隱明觚稜西華門開啟 鳳蹕靈沼一
望清而澄京營卒伍本驍武此更妙選神飛騰結裝不用組
甲麗逸足要試冰鞋能厥形如履齒如屐束縛只藉雙行膝
毬門前後夾侍立彎弧似月絃將緬拖牀柳下小於勅習遺

御幄張吳綾我

皇祕殿視事畢亭亭黃繖從中升一

麾盡出鬪身手追風逐電相憑陵或同鴈行列橫陣或等魚
貫懸長繩迴環依稀旋磨蟻決去恍惚離鞬鷹左射右射互
揮霍上舉下舉紛因仍挽強命中入 睿鑒羣喜綵帛隨

行期 本朝定制勤肄武詎使清宴恣矯矜燈宵欲陳布庫
戲山寺屢見堅礪乘嚴冬復此騁絕技但覺勇氣如川增二
十四旂尙未竟明晨更看流飛矰

送查恂叔出守寧遠

詩人例作入蜀詩李杜放筆攄雄詞石湖劍南兩繼之漁洋
後出窮研思水厲山刻分豪釐天彭井絡天下稀形勝絕險
名坤維瞿唐雪瀨蟠蛟螭劍門煙莽藏鼯狸荒忽怪偉騷人
悲瀘山地更鄰邛夷葛砧鑱天爭嶮巖叢箐密樾相蔽虧金

沙之源清且瀾瘴雲忽起香葳蕤番民錯處稱難治漢唐設
衛空羈縻今君叱馭雙旌麾沿河歷陝經梁岐九盤關險路
迤透入疆威惠兼所施均田行水稽耘籽講堂石室餘荒基
口撫耆幼同嘔喁循良媿古應無差矧君昔莅邏水康其俗
祀蠱崇神禱含沙中人瘠生肌精夫蠻里紛苗黎蘆笙銅鼓
曼且吹如牛榕葉濃陰歆蜚煙毒雨迷晨曦君也服息安常
規神全有得心熙怡朱顏紅頰松筠姿輔車雖落無勞疲君
太平被瘴病發頰頰時飲鐘酒甘如飴獠刀潑眼光流離醉
後起舞驚魑魍君常招余小集出鐘酒飲客色黑舞酣琢句
星芒垂知君邊徼無不宜此行詎復愁孤羈邇者么磨煩
王師將軍前日臨滇池軍書旁午來綿虎調發勁旅徵熊龍
火龍之標試發機兼以萬匹追風騅馱運更復須懸瓌檄下

郡縣疇敢娛筦庫分給千朱提用備萬里軍行費自川入滇
分兩逵建昌畢節屯行輜是時大兵進勦緬甸調成都駐防
餘運送雲南又自川至雲南皆取道建昌總督阿爾泰以
路行走恐致擁滯請從建昌畢節分道並發川省火鎗有火
龍標者最為迅利提督岳君往董率紆籌咨肯以儲待勞鞭
箠風梳雨櫛頭蒙俱蜀牋雖好如凝脂遑暇舒嘯同平時力
與前哲相追隨君言夙昔本好奇盤根錯節始見知脫穎而
出囊中錐此行正值功名期安事摘句尋章為煌煌太乙懸
蠶旗遠眺大劍連峨眉都亭日落揚秋颺上馬揮手西南馳
送胡雲坡季堂赴慶陽新任
星郎才望久翩翩出守欣聞 詔旨宣鼓角千山迎紫葢風
霜五夜上花韞沮渠蒙遜經營地禿髮烏孤戰伐年多少英
雄遺迹在知君詩興快行邊

送畢秋帆赴鞏昌道任

金鴉麗元枵感發振萬竅颯颯枯蓬飛晶晶積霰耀君奉尺
一書寒帷屈番微雖誇直指榮詎免離緒標憶君通籍初慘
綠正年少我亦纔三句聲華各驚爆心知媿苔岑奚用贈紵
縞我上春官第南歸仍瑁璫君也入紫微簪筆掌墳誥風波
兩葉萍豈意共劍芼同年復同官並典 溫室詔駟驎每偕
行夔虵更相笑君本蓬閭姿公卿互傾倒均律叶笙球薦同
贊圭瑁長離翥慶霄鷁羽但俯覩果看一鳴驚豈弟神所勞
由茲躋春坊兼侍 講帷傑譽望侔邢禹官聯等華嶠木天
本蕭閒談藝悅同調春秋劇招邀巾車屢請造未嫌次公狂
見喜長卿傲同時十數君翰墨盡高蹈謂坤一宮詹曉徵學士升之舍人諸君
相將梯岑樓遠嶺黛如埽樓旁槐柳疎落陰亂旗纛依稀初

白庵往躡猶可弔咄嗟勅中廚殖軒愜同好君雖小戶飲頗
識酒中要醉鄉樂旣長觴政舉必妙開櫛指酒旗爛爛星影
掉夜關再分題鬪句競勝詔一年三四會斯樂誰可料朝來
忽分張話舊祇悽情秦川古西陲隴塞極虺麟天垂井鬼芒
地阨雍梁隩鶉火氣所鍾故俗尙彊蹇自來戰鬪場雲沙亦
排鼻長城高截天洪河遠連澳羌渾恒雜處桀黠慣寇鈔唐
宋詫窮邊軍屯列井竈韓范數經營旗鼓萬旅譟邇者

皇威宣天山儼堂奧鳴沙床穰間人物被聲教遺風迴敦龐
夙習刮雄鷲比年更屢豐村戶富廩窳厥田維上上黃壤鮮
乾澇清波暨碧雲渠流足利導今君坐堂皇何以計息耗首
先重興甿次迺塵詰盜苟斲地肥開不埃陰雨膏勿與睽
徒束濕事陵暴庶幾孔君魚前徽定能劬此邦况仙

久垂號吾聞昌黎言山厲水刻峭又聞蘇文忠九十九泉繞
仇彝百頃餘覆壺瀉懸瀑清虛小有天福地豈難到佇見簿
領閒往遂知仁樂青蒼攬春嵐殷紅望秋燒洮河水玉研潑
墨寫幽眺寄我黃金臺開牋一舒嘯

皇天宣天下山川皆有情人心懸開入林新發葉風暖

未肯散數重更欲

其

巖頭翠峯與雲共色綠波瀾浩氣自來襟曠景雲遊衣

忽公燕言誓新對計秦川古西望關塞壯天垂法界苦

林郊關再公憑欄望海潮一三五回會湛樂業在法陣來

瀟灑中要酒襟樂鴻是謝如舉必效開謝語而燕獸獸呈滯

印灑林灑綠西甲出對城中秋藤雨濕滯滯接接道水只蒼

